

Zirlai, hna zawng mek leh hna-thawh mek te tan Hostel fai leh thiangleim, ei leh in tuihnai, tui hniangleim, free wi-fi, two wheel-er free parking awm thlap, thlenin mamawh tan pawh man tlawm tein a thlen theih bawh e.

Rainbow Hostel
Y-131, MZU Road,
Luangmual, Aizawl
Ph. 9436140576 / 7005598481

The Aizawl Post

RNI Regn. No. MIZMIZ/2003/12043 Postal Regn No. MZR/56/2018-2020



The Aizawl Post
Office : G-7, Chanmari,
Aizawl; Mizoram
796 007
Ph: 2341869
Website:
https://theaizawlpost.org
e-mail :
aizawlpost@rediffmail.com
theaizawlpost@gmail.com

England World Cup squad number a leak out! P-6

US leh Iran an inkap thar leh P-4

Drake 'Janice STFU' a lar ber P-8

VOL. XXV NO. 132 AIZAWL, NINGANI, JUNE 4, 2026

A man: Thla khatah Rs. 200

Health minister-in khawl thar hawng Kuminah Nursing School luah a duh

District Hospital Siaha-ah CT Scan khawl thar leh RT-PCR laboratory thar chu Health & Family Welfare minister Lalrinpuui'n Nilaini khan a hawng. Siaha-a Nursing School sak zawh thawhkat tawh, luah luh theih loha la awm reng chu kumina luah theiha peihfel turin contractor a chah.

District Hospital Siaha-in nasa taka hma a sawn theihna atan department hrang hrang thawh-honaah lawmthu a sawi a. Hospital-a thawktute thawhrimna leh inpekna chhuanawm a tih thu a sawi. Hospital-in service a pek theithe a tam thei ang bera mipuiin an hri-at theihnan uar lehzuala inhrilhrhat a pawimawh, tiin, khawl tha tak tak an neih chu tangkai taka hman a nih theihnan mipuiin an hriat a tul tih a sawi a ni.

"Covid-19 hrileng atangin natna hri hmuh-chhuahna chak leh rinawm, inbuatsaihna tha a pawimawh zia a lang ching a. RT-PCR labora-



tory hawn tak hi hrileng dang pawh lo awm se, inbuatsaihna tha lo neih lawk theihna tura din a ni," a ti.

Health minister hian Nilaini zing khan Siaha-a Nursing School sak mek a tlawh a. Peihfel thawhkat tawh, luahluh theih loha a la awm chu pawl a tih thu sawiin, luah thuai a nih theihnan hma lak ngai leh thumthat ngai lai enpui a, kumina luah luh theiha zo turin satu contractor a chah.

Maraland Gospel Centenary Hospital a

tlawh bawh a, thawktute nen an inkawm a ni.

Thawhlehi khan Siaha district bawrhshap VL Hruaizela Khiangte hoin minister Lalrinpuui hi sawrkar hotute, tlawmngai pawl aiawhten nen an inkawm a. Siaha-a health lama thawktute hnathawh chu chhuanawm a tih thu minister hian sawiin, malaria leh scrub typhus laka beihpui an thlakna kawngah an chhuanawm takzet tiin, tlawmngai pawl hrang hrang bakah kohhranin sawrkar hmalakna an tawiawm tha tih a sawi a ni.

Maraland Gospel Centenary Hospital a

ZPM-in RS MP candidate puang

Aizawl, June 4

State-a sawrkar lai ZPM party chuan member of Parliament Rajya Sabha candidate atana a vawrhchhuah tur an puang a, an party Political Affairs Committee member leh party thupuangtu ni bawh K Lalitluangkima an ruat.

ZPM hian Nilaini khan an party office-ah Rajya Sabha MP candidate tur hi an puang a. A puangtu ZPM vice president C Lalnunuma chuan, June 2 zan khan ZPM Rajya Sabha MP Nomination Committee hi chief minister bangla-ah an thu a. Candidate tur mi tha tam tak an nei a, mi tha an tam chuan ngaihtuah pawh a harsaa rin a nih lain, harsatna nei loin tuang takin an thlang tih a sawi.

ZPM Rajya Sabha MP candidate atana ruat K Lalitluangkima chuan, MP candidate tur zawn intham chhungin ngawih a chuh a, mahni insawi arhna lam emaw midang khenna lam emaw engmah a chhuah lo tih sawiin, chu chu an hotute pawhin an lo chhinchhi-ah a ni em aw a tih thu a sawi. An party atanga mi-



dang awm deuh lang ho chu amah aia fel hlir an ni tih a sawi.

"Kei aia fel tak tak hlir an awm laia kei min thlang hi a mak ka ti a. Kan hotute hian an thlan lohte pawh hi an duhsak em em a, ka chungah rinna an ngath hi ka lawm," a ti.

K Lalitluangkima hi thiamna lamah B.Com a

thlanah Bikhawthlir bilalah candidate a ni lo ni tawh.

Election Commission of India chuan June 1 khan Mizoram Rajya Sabha MP thlanna tur 'official notification' a tichhuak a. Nomination hi June 8 thlang 'file' theih a ni. June 18 zing dar 9 leh tlai dar 4 inkarah vote thlak a ni anga, June 18 tlai dar 5-ah vote chhiar ngah a ni ang. July 19-ah Rajya Sabha MP nilai hun hi a tawp dawn a ni.

Rajya Sabha member hi state tina MLA-ten an thlang thin a, a ruata ruat an awm thin bawh. MLA-ten an thlan a nih avangin state-a sawrkar lai candidate chana dah deuh a ni. ZPM official candidate hian vawiin, June 4 hian nomination 'file' a tum a. Party dangin an candidate tur an la puang lo thung.

Property Tax zirchiang tha mek

Aizawl Municipal Corporation-in felfai zawka property tax a khawn a, mipui tan tangkai zawka a hmanchhuah leh theih dan zirchiang turte chuan zirchian bul an tan.

AMC executive corporator i/c Property Tax Vanlalfaka kaihhrui-

ain property tax zirchiang tura Study Team din hi Nilaini khan an

thukhawm a. Aizawl khawpui chhunga mumal (p-2-ah chhunzawm...)

ECI DD-in SIR kalpui dan enpui

Election Commission of India bultuma kumin May 20 atanga September 6 inkara electoral roll siamthang runpui, Special Intensive Revision (SIR) of Electoral Rolls kalpui mekah ECI deputy director Apurva Kumar Singh chuan Mizoram rawn tlawhin, Nilaini khan chief electoral officer Mizoram Garima Gupta nen an inkawm.

Hemi hnu hian Mizoram district hrang hranga media lama mawh-phurtu, district media nodal officer (DMNO) te nen media & communication chungchanga hmalakna

kal mek thlirhoin, hmalak zel dan tur an sawi.

ECI deputy director chuan, SIR chu India khua leh tui, kum 18 tling chin, electoral roll-a chuang theite kim taka an chuan theihna atan leh vote nei thei lo roll-a an chuan lohna tura hmalakna pawimawh a ni tih a sawi a. Hlawhtling taka SIR kalpui a nih theihnan media kaltlanga zau taka puangzar leh hmalakna hrang hrang tarlan a pawimawh, tiin, chumi atan chuan ruahmanna fel tak duang lawk a, chumi anga hma lak chu a pawimawh tih a sawi.

District tina DMNO leh DMANO-ten hma an lak tawhna leh hmachhawp an sawi a. ECI deputy director hian powerpoint presentation hmangin "Media & Communication SOP" zirtirin, SIR chungchhang puangzar leh tih lar kawnga hmalak dan tur leh ngaihpawimawh tur a zirtir a. Zawhna awmte chhan a ni bawh.

Vawiin, Ningani hian ERO office tlawhin, BLO-ten enumeration form an sem dan a enpui anga, chawhnu lamah thuthar thehdarhtute a kawm ang.

Central YMA-in chawimawi

Kumin HSLC leh HSSLC Exam-a Mizo zirlai titha, top 10-a lang chin chu Nilaini khan Central YMA chuan a chawimawi.

Central YMA president R Lalngheeta chuan, zirlaite chu mahni tan mai ni lo ram leh hnam rilru pu chungah lehkhazir turin a chah a. Central service-ah Mizo lut kan tlem tak avangin tan la turin a chah. YMA chu changkan san chi a ni loa, Mizo hnam tana ding a nih avangin kan ngaihlut zel a tul tih a sawi bawh.

Zirlai chawimawi hnenah hian CYMA Education Sub-Committee assistant secretary, asst. professor Dr Lalhrualtuanga leh Liando Auto Works proprietor David R Lalsawmtluanga ten fuihna thu an sawi a. Lawmpuina hlan niin, HSLC-ah mi 18, HSSLC-ah mi 9 hlan an ni.



Tuialhthei man a pung a, mahse lei tur chu a awm reng. Filling station enkawltute chuan tuialhthei hi a vang lo tih an sawi a, an laknaah lak tur a awm reng tih an sawi.

Tuialhtheiah thla khatah cheng vaibelchhe 25 chuang

POST NEWS SERVICE

Mizoram sorkarin tuialhtheiah cess a la a, hei hi a tam tham hle. Thla khatah cheng vaibelchhe 25 chuang a lut thei a, GST a tlakniam phei chuan Mizoram sorkar sum hnar pawimawh a tling ang.

April thla chung khan social infrastructure & services bikah cess hi tuialhtheiah Rs 12,51,46,231 Mizoram sorkarin a hmu a, road maintenance-ah Rs 12,51,46,232 a hmu. Tuialhthei atanga thla khat chhunga cess hmuh hi a vavain Rs 25,02,92,463 a ni.

Tuialhtheia cess lak hi 2024 September-ah an t an a, September ni 1-ah petrol leh diesel mante Rs 4 ve vea thisan niin, Rs 2 chu social infrastructure & services-ah, Rs 2 dang chu road maintenance-ah a lut.

2024-ah cess hi lak tan a ni a, a kum khatna 2024-25 khan social infrastructure & services-ah Rs 13,25,12,578 hmuh niin, road maintenance-ah Rs 13,25,12,578 bawh hmuh a ni.

Financial year liam ta 2025-26 khan social infrastructure & services-ah leh road maintenance-ah Rs 45,65,46,042 ve ve hmuh a ni.

Tuialhthei atanga cess lut tawh hi a vavain Rs 1,42,84,09,703 a ni.

Tun hnaiah tuialhthei man a pung a, May ni 19, ni 23 leh ni 25 te kha a man hi tihpun a ni. SA leh Israe tang dunin Iran an do a, hei hian khawvel hmun hrang hrangah tuialhthei, aluminium leh fertilizer lama sumdawna a ngawng vangin hmun hrang hrangah tuialhthei man hi a pung a ni. Mizoram chuan a man hi a pung na a, tuialhthei hi a vang lo, lei tur a awm reng.

I Kawng dal thei turin Hmun luah tir Suh

National Highway-a dan phal loha hmuhma luah te report-na
Rajmargyatra Mobile App
emaw
1033 Toll Free Helpline

Rang taka chinfel anih theih nana complaint na

- Dan loa ram luah chu thla lak a Rajmargyatra Mobile App ah upload tur
- Complaint theihluh chu pawm a ni th hriattirna dawn ngah
- Complaint theihluh thil thlai reng
- Hun tiam chhung ngeia chinfelna
- Complaint chinfel loh te chu thlen nawn leh ngah tur
- Dan lo a ram luah te 1033 Toll Free Helpline-ah pawh hian i hriattir thei bawh a ni.

Mobile App-a hmanraw pawimawh dang awmte

- Mamawhna awmna hnaivai zawna- Fuel, food, hospitals & rest stops
- Kawng tha ber thlanna - Tlan hun chung, a hlat zawng leh mana chaw tur zat.
- Toll-gate chanchin, emergency-a biak pawh turte leh hriattirna pawimawh te
- Live weather leh chak lutuka tlan lakah inkhapna
- FASTag Annual Pass lakna, Recharge-na leh hman dan thlithlaina
- Kawng Khuar leh hlauhawm lak ata him vek nan eng pawh report rawh

Vawinah Rajmargyatra App Download rawh

emaw QR Scan tur

emaw QR Scan tur

http://rajmargyatra.nhai.gov.in

National Highways Authority of India
Ministry of Road Transport & Highways,
Government of India

BUILDING A NATION, NOT JUST ROADS

CBC 37107/13/0010/2627

END/CADS leh Police-in heroin man

Excise & Narcotics Department leh Central YMA hnuai ruihlo dotu Central Anti Drugs Squad (CADS) thawk-dun chuan June 2 chhun dar 12.10 khan Sihphir Neihbawi (Sethup Kawn) ah heroin gram 971 (hawng 67) an man a, he thila inhnaw-ih mi pali- Daniel Malsawmdawngliana (47) Zokhawthar Champhai, Suwar Uddin Laskar (47) leh Basir Uddin Laskar (26) Rajghat/Bagha Cachar Assam mi ve leh Hifjul Bahar (27) Karimganj Assam nia inchhal an man. Heroin phurh kualna atana hman lirthei pahnih - Hyundai Santro MZ-01 D 8202 leh Bolero AS-01 EU 9735 pawh hren a ni.

Heroin hi Zokhawthar atanga an lak, Assam-a tihral tum a ni a. An vai hian ND&PS Act tlawhchhanin thubuai Court-a thiamloh an chan chuan kum 10 atanga kum 20 jail tan theihna leh sum-fai cheng nuai 1-2 thlang chawi theihna a ni.

Saitual Police pawhin June 1 khan heroin gram 587 an man a. Keifang Kualmawia lirthei veivak an endiknaah Churachandpur atanga Aizawl lam pan Bolero Neo MN-01 AX 0569 chu Thawhtanni zing dar 3.00 vel khan tih din a ni a. He lirthei chuang Nengshi Haokip (51) Salbung Churachandpur, Ma-

nipur chu rinhleleh vangin hmeichhe constable-in a taksa a endik a, Section 50 NDPS Act hnuai ah ama phalna ngeiin SDPO hriatpuinain a endik a ni.

A taksa an enfi-ahnaah a thawmhnawh chhunga thuhruk sah-bawn bawm 50, a chhunga heroin awm hmuh-chhuah a ni a, a bag ken pawh endik a ni. Heroin gram 587 hu man a ni a, Saitual Police Station-ah thubuai ziahluh a ni.

June 3 khan Champhai Police chuan Chalbawia Junction Khankawn Police Check Gate-ah lirthei an endik a, chawhnu dar 3.50 khan Champhai atanga Aizawl pan tur maxi cab-a chuang Wesley Thang-

mawii, Zokhawthar bag atangin heroin hawng 14 an man.

Ruihlo kengtu hian heroin a keng tih a hriat loh thu a sawi a. Hotel management zir tuma Aizawl kal tur a ni a, a cousin Lalramchangi leh a nu M Thangi, Zokhawthar-ten a bag an siamsak a, a hriat loh laiin heroin hi an lo dah niin a sawi. Hei hi police chuan chu-huizuin, M Thangi leh Lalramchangi hi Zokhawthar-ah thu zawhfiah tura lak ngah an ni.

Champhai Police hian Nilaini chawhma khan Champhai atanga Aizawl lam pan maxi cab pakhata chuang hmeichhe pahnih chu ringh-lelin, Champhai District

Child Protection Unit Office-ah gazetted officer hmaah an taksa an dap a, Lalhriatuali (25), Champhai Bethel-a cheng nia insawi hnen atangin heroin hawng 3 an man a, Hmangaihuali (47), New Champhaia cheng nia insawi kut atangin heroin hawng 3 tho an man.

Nilaini vek khan Aizawl pan tur maxi cab dang pakhata chuang Lianneihmawii (21), Turial Aizawl cheng nia insawi chu ringh-lelin, Govt. GM Higher Secondary School-ah gazetted officer hmaa dap a ni a. A taksa depa a thuhruk heroin hawng 1 an hmu chhuak. An mi mante hi ND&PS Act hmangin thubuai an siamsak a ni.

DISHA thu

District Development Coordination Monitoring Committee (DISHA) Serchhip chu an chairman, Lok Sabha MP Richard Vanlalhmangaiha hoin nimin khan an thukhawm. Centrally sponsored scheme hmanga an district-a hnathawh dan thlirho a ni a. Department hrang hranga district office enkawltuten an koa tla CSS chungchanga

Thlai tiak

Mamit District-a Green-Ag huam chin khuaa kuthnathawktute hmena sem tur thlai tiak hrang hrang chu nimin khan bawhshap Suvigya S Chandra chuan Mamit atangin a vailiam. Agroforest-

hman lak tawh dan leh hmachhawp an sawifiah a, sawiho zui a ni. DISHA-ah hian Lok Sabha MP chairman niin Rajya Sabha MP co-chairman a ni a, district chhunga bialtu MLA ho member an nih bakah khawtlanga mi rawnkai thlan chhuah mi pathum member an ni a. District chhunga CSS enkawltuten an koa tla CSS chungchanga an tel bawk.

ry scheme hnuai thlai tiak a thlawn a sem tur hi - kuhva tiak 5700, zawngtah 2000, tung 1000 leh khanghu 1000 a ni. Green-Ag project hnuai hian Dampa Tiger Reserve chhehvela khaw 25 a huam a ni.

SEC vawi 319-na thukhawm mek

Synod Executive Committee (SEC) vawi 319-na chu Synod moderator Rev. John Ral-dosanga kaihhruiin June 2-4 chhung hian an thu.

Secretary report-a a lan danin, Pastor zir leh zirna hmuna awm induction /installation tuang taka neih a ni a; PCI 46th Biennial General Assembly tuang taka neih a ni. Jordan Centre Sethawn tlawh a ni a, Synod office annex lei (steel bridge) siam tum, Synod Trust hnuai building hrang hrang sak mek report,

Synod Hospital panna kawng siam chungchang, MUHCS hman mek chungchang, Central Region Missionary Retreat neih thu, Womens Ordination chungchanga inrawnkhawm neih thu, Synod hnuai zina school hrang hrang report, RC leh RL pek chhuah dan leh April 2025 - March 2026 inkara Synod sum dinhmun tarlan a ni.

Tun tum SEC thut-khawmah hian thurel tura chhawp chhuah 60 a awm a, chu'ng zingah chuan Kristian Thalai

chanchinbu agent kum 10 tangte chawimawina pek leh chawimawina hming atan mimal hming hman chungchang, Kolasib-a Counselling Centre hmun tur lei rawtna, India rama sakhaw zalenna a awm theihnana hma lak, sipai pastor-a lut an awm theihnana buaipuitu siam, SMTC tihchangtun dan tur, Presbyterian Bible School inkaihhraina dan enthat, Jordan Centre Sethawn kalpui zel dan tur ruahmanna leh Synod Press kalpui zel dan tur ruahmanna a tel a ni.

DRAFT PUBLIC NOTICE - 1

NOTICE : CLOSURE OF INOPERATIVE ACCOUNTS WITH ZERO BALANCE

This notice is directed to account holders whose accounts have remained Inoperative for the last 8 years, with no customer-induced transactions for the last 10 years, and maintain a Zero Balance.

To avoid closure, please reactivate your account by submitting updated KYC documents at your nearest Punjab & Sind Bank branch on or before **20.07.2026**. Accounts not activated by this date will be closed on or before **21.07.2026** without further notice.



ADMISSION OPEN FOR 2026 AT NIELIT AIZAWL

(Tuition Fee FREE for SC & ST)

National Institute of Electronics and Information Technology (NIELIT) is a Deemed to be University under the Distinct Category as per UGC (Institution Deemed to be Universities) Regulations, 2023. It is the only University under the Ministry of Electronics and Information Technology, Government of India. The University offers Electronics and IT programs at UG, PG and Diploma levels, which are Research and Industry-relevant across its main campus and 11 other Constituent Units.

NIELIT Aizawl opens Admission for Academic Session 2026-2027 as details below:

1. Diploma in Computer Science & Engineering (DCSE)	Eligibility: 10 Passed	Few Seats Available
2. Diploma in Electronics & Telecommunication Engineering (DETE)	Eligibility: 10 Passed	Few Seats Available
3. Bachelor of Computer Applications (BCA)	Eligibility: 12 Passed (Any Stream)	Few Seats Available
4. Master of Computer Applications (MCA)	Eligibility: Any Graduate (Math in 12 or Graduation)	
5. BTech Computer Science & Engineering (AI&ML)	Eligibility: 12 Passed (Physics, Math)	
6. BTech Internet of Things (IoT)	Eligibility: 12 Passed (Physics, Math)	
7. MTech (Artificial Intelligence)	Eligibility: B.E./B.Tech/M.Sc./MCA	
8. PhD in Computer Sc. & Engineering / Computer Sc. & Applications		

Tentative Schedule and Admission

Course	Mode of Admission	Registration	Entrance Date
BCA, DCSE, DETE	NIELIT Entrance	Till 15 June, 2026	17 Jun 2026
MCA	NIELIT Entrance	19 Mar - 12 Jun 2026	17 Jun 2026
BTech CSE (AI&ML)	JoSAA, CSAB,	https://csab.nic.in, https://josaa.nic.in	
BTech (IoT)	NIELIT Entrance		
MTech (AI)	NIELIT Entrance (50% of seats)	19 Mar - 12 Jun 2026	17 Jun 2026
	CCMT (50% of Seats)	https://ccmt.admissions.nic.in	
PhD	Registration Open.	Entrance Date to be notified soon	

For Application and more information, visit- <https://nielit.ac.in>

Helpline Numbers: 8259022647 / 8974579126 / 9862888307

or Scan QR Code

No. A.12026/1/2025-EMRS
MIZORAM EMRS SOCIETY
An Autonomous Society under Planning & Programme Implementation
GOVERNMENT OF MIZORAM
Dated Aizawl, the 02nd June, 2026

ADVERTISEMENT

Applications are invited from eligible candidates to appear in a Walk-in interview for engagement to the below mentioned post under Mizoram EMRS Society, P&PID Department on casual basis for a period of **1 (one) year**, extendable based on the performance and requirement of the Society.

Sl. No.	Name of Post	No of Post	Remuneration per month (Fixed)	Age limit	Eligibility Criteria
1.	Junior Engineer (Civil)	2	Rs. 35,000/-	35 years (Age relaxation as per norms of State Government)	1. VE/B.Tech in the concerned discipline. Or Diploma in the concerned discipline from a recognized institution with at least 3 years' experience in the relevant field. 2. Working knowledge of Mizo/Hindi (Regional Language) and English.
2.	Junior Engineer (Electrical)	1			

Application form can be obtained from the **Mizoram EMRS Society Office, 3rd Floor, Planning & Programme Implementation Department, Khatla** on payment of **Rs. 50/-**.
Application complete in all respect should be submitted on or before 17th June, 2026.

Sd/- V ANLALDINA FANAI
Commissioner & Secretary,
 Planning & Programme Implementation & Member Secretary,
 Governing Body, Mizoram EMRS Society
 Government of Mizoram.

GOVERNMENT OF MIZORAM
OFFICE OF THE SUPERINTENDING ENGINEER : PWD
PROJECT CIRCLE
AIZAWL : MIZORAM

CANCELLATION OF NOTICE INVITING TENDER (NIT)

This is to inform all concerned that the Notice Inviting Tender (NIT) issued for the following works are hereby **cancelled / withdrawn** with immediate effect and until further orders.

Sl. No.	NIT No. & Date	Name of Work & Location	Estimated Cost put to tender (in Rs.)
1	1/1/SE-PC/2026-27 Dated 04.05.2026	Construction of Type-II Quarters (6 Units) at Aizawl PS Complex, Dawrpui, Aizawl.	3,00,86,416.00
2	1/2/SE-PC/2026-27 Dated 04.05.2026	Construction of Type-II Quarters (6 Units) for Kulikawn PS at Bungkawn, Aizawl.	3,00,47,800.00
3	1/3/SE-PC/2026-27 Dated 04.05.2026	Construction of Type-III Quarters (4 Units) for Kulikawn PS at Bungkawn, Aizawl.	2,27,32,512.00

The cancellation / withdrawal is in compliance with the interim order dated 20.05.2026 passed by the Hon'ble Gauhati High Court, Aizawl Bench in PIL No. 1/2026, whereby the operation of the Notification dated 15.07.2024 and the Standard Bidding Document (SBD) for procurement of building and road works has been stayed.

This issues with the approval of the competent authority.

Sd/-
(H. LALNGHINGLOVA)
 Superintending Engineer, PWD,
 Project Circle,
 Aizawl : Mizoram.

IPR No. 73

AGENCY SHOW ROOM ETC TUR DUH TAN

Sumdawng tak tak duh tan Aizawl chhimlam, World Bank road an ah building - floor li (4), parking tha tak awm luah duh tan a awm e. Luah man chu inbiakremna a ni ang.

Contact : 9862590202
 (30-29) 7005449262

CHANGE OF NAME

I, RONLY LALBIAKHLUNI ZOTE has changed my name from RONLY LALBIAKHLUNI to RONLY LALBIAKHLUNI ZOTE by the consent of magistrate.

CHANGE OF NAME

I, JACOB LALDINPUA ZOTE has changed my name from JACOB LALDINPUA to JACOB LALDINPUA ZOTE by the consent of magistrate.

CHANGE OF NAME

I, DARTHANZAMI ZOTE has changed my name from DARTHANZAMI to DARTHANZAMI ZOTE by the consent of magistrate.

LUNGLÊN HLA BU

A thlûk inmila rem, Solfa awm leh awm lo chu Synod Bookroom hrang hrang, Elpee B.S.; R.L.Nutei B.S.; CVL BASS leh V.L. Press, (Ph. : 8974927913)-ah lei tur a awm e.

LUNGLÊN HLA BU
 (A Solfa nêh)
 (Khawhar Lêngkhawm Hla Bu)

KHUM-MAWI GIRLS' HOSTEL

Republic Veng, Aizawl

Rooms Available

- 11 single rooms (2 rooms with attached bathroom)
- 1 twin room
- 1 triple room (7 common bathrooms/toilets)

Location: Muallveng Chung, Republic Veng Near Kawilûn, Aizawl

Contact Us: 9612128487 9612518961

Delhi khualbuka kangmei chhuakah mi 21 thi



Indian khawpui, Delhi-a Malviya Nagar-a khualbukah Nilaini zing khan kangmei chhuakin mi 21 an thi a, mi 40 chuang chhanchhuah an ni bawk.

Kangmei hi zing dar 08.50 vela chhawng ngaa sang, Flourish Stay Hotel-a a hnuai bera thingpui dawra chhuak a ni.

Thuneitu pakhat chuan riahna leh tukthuan ei theihna khualbuk atanga kohna an dawn hnuah kang thelhna khawl pahnih, water bowser pahnih, quick-response vehicle leh kangmei venna unit dangte tirh ngal an nih thu a sawi.

Thil thlang lai hian building chhungah hian mi 40 vel an awm nia rin a ni a. Kangmei chhuah chhan hi hriat chian a la ni lo.

Video pakhat chuan mi thekhat chu an him nan building kang atangin an zuang chhuak tih a lang.

Hauz Rani kawngpui chep taka awm khualbukah hian pindan 25 vel a awm a. Khualzin 40 vel a awm nia sawi a ni a, heng zingah hian ram dang mi, damdawi in pante pawh an tel.

Kangmei chhuah lai hian mikhual tam zawk hi an muhil niin an sawi.

Khualbuka thingpui dawra ei siama thawk, Kesar Singh-a chuan an thil tawn chu a rapthlak hle tih a sawi a. Zing dar 8:00 vela electric stove tihnuun a tum chu kangmei a chhuak ngal niin a sawi.

A hnu rei lo teah chuan khualbukah kangmei a chhuak tih a hre ngal tih a sawi a. "Ka thachhang-dawltu hnenah khualbuk a kang tih ka hriatir ngal a ni," a ti.

"Pawna ka va chhuah chuan khualbuk pum chu a kang vek tih ka hmu ngal a. Engtin emaw ka tlan chhuak thei ta hlauh a ni," tiin Negi-a chuan a sawi.

Prime Minister Narendra Modi chuan kangmei dawra thihna thlang chu thil lungchhiatthlak tak a nih thu sawiin thi chhungte tanpuina Rs. nuai 2 pek a nih tur thu a puang.

"An hmangaih tak takte borate ka tawrhpu tak zet a. Hliam tuarte dam thuai duhsakna ka hlan a ni. Thuneitute chuan a tuarte tanpui nan theitawp an chhuah mek a ni," tiin X-ah a tar lang.

Hliam tuarte hi hi kan-na Rs 50,000 pek an nih tur thu a sawi bawk.

Delhi Chief Minister Rekha Gupta-i pawhin thihna a thlang chu pawh a tih thu a sawi a. "Thi chhungte ka tawrhpu tak zet a. Hliam tuarte dam thuai turin ka tawngtai a, he lungngaihna lungchhiatthlak tak tuar zawng zawngte tan chakna leh huaisenna ka dil a ni," tiin X-ah a tar lang.

He thil thlang chungehanga thu hriat a nih veleh Delhi Fire Services, Delhi Police, DDMA, CATS Ambulance Services leh emergency response agency dangte chu tangrualin chhanchhuah leh chhawmdawl hna an thawk ngal niin Gupta-i chuan a sawi.

"An chetna rang tak hian a ngawngna hmun atanga mi eng emaw zat chhanchhuah leh chhuahthimaa a pui a ni," a ti a. Delhi sorkar chuan thil awm dan chu a vil reng thu a sawi bawk.

"Damdawi thila puihna leh thlawpna chu chhungkua te hnenah pek a ni a. He lungngaihna darkar karah hian Delhi sorkar hian a tuar chhungte kianghet takin a ding a. He thil rapthlak tak tuarte tan hian a theih ang anga tanpuina pe turin kan inpei reng a ni," a ti.

Mamata-i TMC chhungah inmil lohnain bu khuar

West Bengal assembly inthlana an chak loh hnuah Mamata Banerjee-i Trinamool Congress (TMC) buaina a zual zel a, inthen mai thei niin an lang mek.

MLA Ritabrata Banerjee-i chu party atanga hnuahchhuah a nih hnuah Nilaini khan state assembly a thlang, MLA 59 thlawpna a neih thu a sawi.

Member 294 awmna rorelna inah hian party hian MLA 80 an nei a. Chief Minister Suwendu Adhikari-a kaihhruai BJP chuan a wavi khat nan an state-ah hnehna changin seat 207 neiin an dinhmun a tha hle.

Ritabrata Banerjee-i hian Leader of the Opposition angin a inlan a, thlawpna lehkhka a lek bawk a. Assembly-a a zuitute zingah hian Arup Roy, Shiuli Saha leh Akhruzzaman te pawh an tel.

Bengal hmar lam atanga

ga legislator Sabina Yasmin-i chuan, "Vavuin hian Leader of the Opposition thlangin kan thukhawm dawn," a ti.

Mustafizur Rahman pawh Ritabrata Banerjee thlawpna lehkhka ziaktu zingah a tel a. "A zat tak kan hre lo... pawh lam atangin signature 59 an dawng tawh tih ka hria a. Kei pawhin ka sign tawh," a ti.

MLA Priya Paul-i erawh chuan thil chiang a sawi lo va, "(Assembly) chhungah ka lut dawn a, kan thukhawm zawhah ka sawi ang," a ti.

Trinamool MLA helia sawi mi 58-ten Ritabrata Banerjee-i leader of opposition-a an wawrh chhuahnaah an hming an ziah chu speaker hnenah thehluh a ni.

Lehkhah hian TMC 'dik tak' an ni tih ziah lan a ni a, mak tak maini Mama-

ta Banerjee-i chu an pawl hruaitu a nih thu a lang bawk.

North Kolkata-a Entally bialtu, Sandipan Saha leh Howrah district-a Uluberia (Purba) bialtu, Ritabrata Banerjee te hi Thawhtanni chawhnu khan TMC chuan party dodala an chet awngin a hnuawtchhuak.

An buaina hi Mamata Banerjee-i'n an hruaitu hlun, Sobhandeb Chattopadhyay-a Leader of Opposition atana a ruat atanga intan a ni.

Sandipan Saha leh Ritabrata Banerjee te chuan Bengal assembly-a Leader of Opposition atana Sobhandeb Chattopadhyay thlawpna lehkhah hian signature lem a awm niin an sawi.

Chief Minister Adhikari chuan thuthar thehdarhtute a kawmnaah, "TMC eirukna hian Bengal mipuite chauh ni lovin



anmahni MLA-te pawh a bitum a, anmahni MLA-te hming pawh an ru a ni. He complaint hi an MLA pahnih, Ritabrata Banerjee leh Sandipan Saha te siam a ni a. Hemi kawngah hian tel vena kan nei lo," a ti.

Hemi chhungchangah hian Assembly Secretariat chuan police case a thehluh a, CID-in an chhui mek.

Chief Minister chuan CID-in lehkhah hming lang MLA-te hnen atangin signature sample lak tan a nih thu a sawi a, "CID hian MLA thenkhat,leh-

khah hming awmte hnen atangin signature sample a la a. TMC MLA pathum - Baharul Islam, Arup Roy, leh Subhashish Das te chuan CID hmaah chu document chu an sign lo tih an inpuang tawh a ni," a ti a. Investigating officer chuan tih dan phung angin hmalak dan tur a ruat dawn tih a sawi.

State-a thuneihna an hloh hnuah TMC party hruaitu eng emaw zatin an party kalphungah lungawi lohna chu tlang takin an sawi chhuak a ni.

Tuialhthei a leina, Venezuela president-in India tlawh mek

Venezuela-a president nihna chell lailawktu, Deley Rodriguez-i chuan Nilaini khan India thlangin Pathianni thlang a cham dawn tih Indian foreign ministry chuan a sawi a, New Delhi-in Caracas atanga tuialhthei thlitfim loh a lak luh a tihpun mek laia tlawh a ni.

India hi May thlaa Venezuela atanga tuialhthei la lut tam pahnihna a ni a, ni khatah barrel 4,27,000 a lei a, US hnuai a awm niin Reuters chuan a tar lang a. India-a Reliance Industries chu tun hna thla eng emaw zat chhunga Venezuelan tuialhthei thlitfim loh lei tam pathum zingah a tel a ni.

A tlawh chhungin Rodriguez-i hian Indian Prime Minister Narendra Modi-a nen an inbe dawn tih Indian foreign min-



istry thupungtu, Randhir Jaiswal chuan thuthar lakhawmtute hnenah a sawi.

Jaiswal-a chuan, "Inkawmnaah hian India leh Venezuela inlathina zawng zawng sawi a ni dawn a. Energy, sum-dawna, investment, damdawi lam, transportation leh renewable energy lama

thawhhona tha zawk neih theihna tur kawng hrang a tel dawn a ni," a ti.

Sumdawna khawpui, Mumbai-ah pawh Indian energy industry-a mi lang-sante a kawm ngei rin a ni bawk.

Rodriguez-i hian India a tlawh hnuhnun ber chu February, 2025 kha niin Venezuelan oil minister a

nih lai a ni a, India Energy Week conference-a tel palaite a kaihruai bawk.

Tun tuma zin hi khawvela tuialhthei la lut tam leh hmangtu tam ber pathumna, India-in Iran leh US-Israel indona avanga lak luhnaa buai a hmachhawng mek lai a ni a, indona avang hian Asian chhim lam ramin tuialhthei thlit-

fim loh a lak luh zinga 40% aia tam phurna kawngpui, Strait of Hormuz chu khar ta a ni.

India hian nikum khan Venezuelan tuialhthei lei a lo titawp tawh a, US President Donald Trump-a'n South American ram atanga a lei ramte chungah 25% chhiah a laksak vang a ni a. February thlaa Washington leh Caracas inkara oil supply pact siam a nih hnuah hreka thizaaawm a nih kha a lei chhunzawm leh a ni.

January thlaa US-in President Nicolas Maduro-a a man hnuah inremna siam hnuai hian Washington hian Venezuelan tuialhthei hralh atanga sum hmuh chu Treasury Department-in a enkawl bank account hmangin a thunun a, sum-dawna lam havi pawhin a kaihruaina a zawm a ni.

RAM PAWN

US leh Iran an inkap thar leh

US sipaite chuan Iran lakah 'mahni invenna' beihpui an thlak a, lawng leh Gulf ramte kahna ballistic missile leh drone-te an kap thlaa niin an sawi.

Strait of Hormuz-a Qeshm Island-a beihpui thlakna hi 'Iran-in Middle East pum beih a tumna chhanna a ni' tiin US Central Command (Centcom) chuan a sawi.

Iran chuan phuba lakna atan 'an chhehvel rama' US base leh helicopter-te chu missile leh drone hmangin a bei tih a sawi ve bawk a. Centcom chuan Tehran hian Kuwait-ah missile pahnih leh Bahrain-ah missile pathum a kap tih a sawi a, heng missile-te hi kah chhiat leh kah thlak vek an ni.

Beihpui thlakna thar hi inkahhai pawh sei chungehanga inbiakna a chawlh laiin a ni a, kar tawp khat thla tam tak chhung indona titawp tura remna zawnga inbiakna chuan hma lam a pan thei lo.

Centcom chuan Qeshm Island-a beihpui thlakna hian Iranian sipai ground control station a bei thu a sawi bawk a, US sipaite chuan Iran-in 'an chanvo anga tuipua che vel civil mi' lam hawia a kah attack drone pathum an kap thla bawk tih a sawi bawk.

IRGC chuan 'Strait of Hormuz venhimna tihbuai hi tharum thawhtu US sipaiten a man to tak a pe dawn' tih an sawi.

Centcom chuan Iran hian he biala ram hrang hrangte lam hawiin ballistic missile 'eng emaw zat' a kap tih a sawi a. "Kuwait hawia kah Iranian missile pahnih chu thlang pha lo leh a thlawh laia kah chhiat a ni a, Bahrain-a missile pathum kah pawh US leh Bahrain air defence force-ten an lo dang," a ti.



Iran hian US military base awmna, Bahrain leh Kuwait-a an bitumte chu wavi tam tak a bei tawh a ni.

Hemi hma hian Centcom chuan Iran pana kal, tuialhthei phur lawng rual chu a kap bawk a, hei hi April 13 atanga Washington-in Strait of Hormuz-a Iranian lawng chawlhmun a dan mek hmalakna zinga mi a ni.

US thlawhnain Botswana flag tar M/T vessel engine room-ah Hellfire missile a kap a, hei hi a thawktuten 'vauna wavi tam tak pek an ngaihtah vang' niin a sawi a. Centcom hian Thawhleini khan lawng an kah lai video a tichhuak bawk.

March thla lai hawl atang khaan inremna siam a hnaith tawh thu sawi ni fo mah se US chuan Iranian nuclear programme telin thil hrang hrang avangin sawn zel a ni a. April thla tir atanga inkahhai kalpui a nih hnuah inbeihna tam zawk chawhlan a ni mek a, kar liam taah inkap lehin tun tumah an inkap leh ta bawk.

US President Donald Trump-a chuan Iran-in nuclear ralthuam a neih theih loh chu a duh ber a ni a. Tehran erawh chuan nuclear bomb siam a tum lo va, a muanawm zawng chawhvin thil a kalpui a ni tih a sawi

tawh thil.

February 28-a indona a intan atang khaan mi sang tam tak an thi tawh a, Iran leh Lebanon-ah an thi tam zual a. Iran-in khawvel puma tuialhthei leh liquefied natural gas phurh hmun ngaa thena hmun khat kalna, Strait of Hormuz a khar avangin energy man a san phah hle bawk.

Israel leh Lebanese firfiak pawl, Hezbollah inkarah pawh buaina a chhuak zel a, kum 25 chhunga Israel-in Lebanon ram a dai thuk ber a ni tawh.

Thawhleini khan Israel hian Lebanon chhim lama khaw hrang hrang beihpui an thlak leh niin Lebanese thuneitute chuan an sawi a, US palainaa Thawhtanna inkahhai puaan a nih hnuah pawh indona a la kal zel.

Inkahhai puanna thuthlungah hian Israel-in Beirut leh Hezbollah tamna Lebanese khawpui chhim lam dai an bei lo tur a ni a, Iran nena inzawm pawlin Israel a beihna a titawp ve dawn bawk.

Inkahhai puaan hian awmzia nei ri lovin Lebanese tam tak a titlamuang chuang lo va, mi maktaduai 1.2 chu hmun himah an insawn tawh a. Beirut chunga Israeli drone ri pawh Thawhleini khan hriat tur a awm.

Kenya-a Ebola damdawi in din duh loh lantirnaah pahnih thi

Kenya ram lailia Nanyuki khaw bula sipai hmuna US-in Ebola isolation centre din a tum duh lohna lantirnaah mi pahnih kah hlum an ni.

Pakhat hi Laikipia Airbase bula kawngzawhna hmuna kah hlum a ni a. A thianten khaw chhunga damdawi inah an hruai hnuah a thi a ni.

Pakhat zawk pawh hi sipaiten damdawi ina an hruai laiin a thi bawk.

An thil dan hi hriat chian a ni lo va, thuneitute chuan engmah an la sawi lo va. Police thupungtu chuan thi an awm tih a hriat loh thu Reuters news agency a hrilh.

Thawhtanni khaan mipui za tam takin kawng an zawh a, kawngpui an dang a, lirthei ke an hal a, police-ten hnuah darh tumin tear gas an kap a ni.

Thi zinga pakhat chu a chhungte chuan Charles Mang'aro Mwangi a ni tih an sawi a. Kum 27 mi niin lungawi loh lantirnaah hian a tel lo niin an sawi a, "A hna atanga a lo haw hnu thai dar 06:00 (India-a zan dar

09:30) vel khaan a thianpa rei lo te hmu turin a kal a ni," tiin a nu, Joyce Wangari-i chuan a sawi.

Mwangi-a chhungte chuan a thil dan chungehanga hian police-te hnen atangin engmah an la dawng lo niin an sawi.

Damdawi ina ruang dahnaa ruang pahnihte chu silaimu hliam nei niin a lang a, pakhat chu a awmah a awm a, pakhat chu a darah a ni.

Thawhleini zing khaan khua hi a reh hle a, kawngpuih vengtu tam tak an awm.

US-in Kenya-ah Ebola enkawlina hmun din a tum hi ramri hri kai theihna tur nia ngaiin mipuiin an duh lo hle.

Khum 50 awmna isolation centre-ah hian US damdawi thiamte an thawk dawn a, tuna Democratic Republic of Congo-a hri leng mek US mite enkawl tura ruahman a ni.

Kenya-ah hian tun thlangin Ebola vei an la awm lo.

Zirtawpni khan High Court chuan mihring dikna



chanvo humhalhtu pawlten vantlang hriselna atana him lo nia ngaia khinna an dawn a ngaihtuah hnuah center hawn hi thitawp a ngai tih a sawi.

Thawhtanni thai khaan he thubuai chungehanga hian a wavi khat nan President William Ruto-a tawng chhuakin ruahmanna hi tha a ti a, Kenya chuan an ram hum nan 'ralthuam neih zawng zawng a inring' tih a sawi.

Thuthar thehdarhtute a kawmnaah US sorkarin

tanpui a dil a, a pawm thu a sawi a. "President [Donald] Trump-a'n Kenya chu Laikipia Airbase-a center dina thlawp tura a ngen khaan 'ok' ka ti a, kum 30, 40 chhung Kenya nena inthian tawh nena inremna a nih vang a ni," a ti.

Kenyan-te chu Ebola chu politic khell nana hmang lo turin a ngen a, politician-te chu he thil chungehang 'fimkhur lo taka' thil sawi lo turin a ngen.

High Court chuan Thawhleini khaan centre

dinna tikhawtinaa chu a pawt sei a, sorkar chu Ebola facility siam tumna chungehang chipchiar taka puang turin a ti.

Court thupek chhuah ni mah se, mi thiamte chuan inbuatsaiha kalpui mek niin an sawi a, airbase-ah hian sipai thlawhtei hna lut leh chhuak hmuh a ni.

Kenya-a doctors union leh sorkar enkawlta pawlte chuan he ruahmanna hi an dodal a, tual chung mite a tihbuai theihna tur a nih thu an sawi.

Drone-a Russia thunun rama bus beihnaah mi pasarih thi

Russia-in a thunun chin Ukraine-a passenger bus chu drone-a kah fuh niin mi pasarih an thi a, mi 11-in hliam an tuar niin thuneitutein a sawi.

Ukraine khawchhak Donetsk region-a Kremlin-a dah hruaitu, Denis Push-

lin chuan bus hi Russia-in a awp, Crimea-a Moscow leh Simferopol inkara a tlan laiin Nilaini zing khaan a kah niin a sawi.

Nilaini vek khaan zing lamah St Petersburg khawpui chhungah meikhu dum a tam hle bawk a, Ukrainian

President Volodymyr Zelensky-a chuan khawpui chhunga tuialhthei hmun an kah fuh thu a sawi.

Beihpui thlakna hi khawpuaia kum tina neih thin, International Economic Forum buatsaih lai a ni a, he event hi khawvel hriat

Russia pho lanna atana ruahman a ni.

Beihpui thlakna hi Russia-in nasa taka Ukraine khawpui hrang hrang an bei tuka thlang a ni a, Moscow sipaite chetnaah hian mi 22 an thi a, heimeichhia leh naupang eng emaw zat an tel.

Donetsk-a drone-a bus beih chungehang Pushilin-a chuan, "Yenakiyev-a hian UAV hmangin Moscow-Simferopol coach beih a, report hmasaah chuan civil mi pasarih an thi a ni," a ti.

Hliam tuar mi 11 te hian damdawi lam enkawl

mek an ni tih a sawi bawk.

Ukraine hian he thil thlang chungehanga hian engmah a la sawi lo.

Belgorod, Kursk leh chhim lam bial dangte bakah Moscow bulah leh Sea of Azov chungaah drone thlawh a ni tih Russian thuneitute chuan an sawi a. A vavin Russia chuan zan khat chhungin Ukraine drone 350 zet an kap thlaa niin a sawi.

Drone zinga 50 vel chu Moscow hmarthlanga Leningrad region chungaah an tlaa niin regional governor Alexander Drozdenko chuan a sawi.



CITY BUS DROP & PICK : SAWRKAR DAWT BAWK MAW

K. Hmingthankaia

Tun ZPM sawrkar Transport Minister, PWD Minister ni bawh hi an sawrkar hlim khan thil dang sawina karah khan ka lo fak deuh nual tawh a. Amah hi mi tawng tlem leh tawngkam thiam lo, mi fair lutuk leh mi dik tak mai a nih thute kha ka lo sawi tawh a nih kha. Amah hi kan veng Venghlu mi hlun, naupang te ni chungka kan veng MA pass hmasa pawl a nih avanga kan zah ruk leh kan ngaihsan ruk em em thin a ni. ZPM party awm hma zawng kha chuan Pu Thena hunlai atanga keimah ang thova PC ngar ngar thin a ni. Chuvangin, mi rinawm leh mi dik, mi tak nia ka hriat avanga ka lo ngaihsan ruk em em leh ka lo chhuan ruk em em thin a ni.

An sawrkar hlim, 2024/25 chho vela kawng chungchanga nasa taka an dem luai luai leh deusawh tak taka an chirhthel lai pawh kha, eng dang vaka chhang lo leh sawi ve deh duah lova, "A hunah kawng kan siam dawn. A siam-na tur pawisa pawh a awm" tih tawite a sawi kha chuan, a mizia enin kei chuan ka lo ring tawh em em a, kawng chu an siam ngei dawn tih kha ka lo ring ngheet hmiah mai a ni. A sawi ang ngeiin a hun a tihah chuan, tunhma zawng an lo siam dan tawh thin aia tha, kan ram zawh tawh atan chuan belhchian dawl ber ni turin kan Aizawl khawpui leh kan Zoram kawngte chu an lo siam ta ngei reng a nih hi. Chutiang taka mahni thil tih tuma chiang leh ti hlawhtling thei PWD Minister ni mah sela, Transport Minister a nihna anga city bus drop & pick chungchanga erawh hi chuan a hlawhchham chiang hle niin ka hria.

City bus chungchang hi kum 2018 vel atang tawh kha ka lo sawi tawh thin a. Khawpui kawng zim leh chep, kawng kan indai loh em em kara kawngpui lun lai leh mipui che vel tamna lai apianga motor lian pui, nitin lo ding nileng thak ve ziah hian thaw a tipik a, mipui chet vel a tibuaia, kawngkan leh motor dang pelh a tibuaia, a tih hlawhawm em em a, traffic jam a tih tam zual phah thute, ram dangmi mikhual hmuhah a zahthlak thu leh, smart city nih nen pawh a inhmeh loh thute leh a kaihnawih thil tam tak ka lo ziak tawh thin a ni. Mahse, sawrkar hmasa lamah kha chuan ka beidawng a. ZPM lo sawrkar veleh khan beisei takin duhthawh tak leh dengkhawng deuh tak takte khan vaw engemawzat ka ziah leh hnu chuan, kum 2025 August thla chuan, September ni 1 2025 atang chuan city bus-te chu passenger chhuk chhung leh lawn chhung bak chu stand-ah an ding tawh tur a ni lo. Hei hi thla thum chhung, November ni 30 thlang enchhinna anga kalpui tur a ni, thl thupek chu sawrkar

chuan a rawn chhuah ta rup mai a nih kha.

Kha September ni 1 ni tak mai khan AMC office Thuampuia kal ka ngai hlauh mai a. Tichuan, ka kal lam leh haw lam chu bus-ah ka chuang ta a ni. Khami ni 1 ni na na na kha chu bus ho pawhin sawrkar thupek chu an zawm t ha tlang angrang viau a ni. Conductor pakhat hnenah chuan, "Din rei in va la chak hmeh ve" ka ti a. Ani chuan, "Din rei pawh tum ila traffic police-ten min um chhuak zel alawm" a ti a. Kei chu ka lo lawm ru ta veng veng mai a nih kha. Tichuan, chumi ni la la chuan ZPM sawrkar chungka lawmthu sawina pawh chu ka ziak ta nghal a ni. Enchhin pawh a ngai lo, ni khat lek chhung pawhin a that zia leh nawm zia chu mipuiin an hria a, traffic police lam pawhin traffic a tih ziaawm phah an ti a ni. Chuvangin, hetiang hian kal reng tawh ila, ngaiah kan neih thuai mai ang a, thil pakhat khawsak dan tha zawng leh changkang zawngin hma kan sawn a ni mai, te ka ti nghe nghe a nih kha.

Tichuan, ni sawm hnu, September ni 10 a ka han chhuak chho leh zet mai erawhchu, khai khai.. a tu-a-te mah bus ho khan sawrkar thupek chu an lo lawm leh ta reng reng lo mai chu lo niin.. An khawsak thin dan pangngai ang bawh khan an lo khawsa leh ta hem hem mai a nih chu. Stand tinah chuan inthiamlohna leh inthlahrunna reng nei lovin, thlamuang takin an lo ding leh ta veng veng mai a ni. Mite chu ka han zawt vel a, "Nikhat, September ni 1 ni bak kha chu an tih dan ngai bawh khan an ti leh nghal vek alawm" an lo ti mai si.

Ka thinur leh rilru na, zak bawh si chu in pawh thlang lovin, rilru tawt tun chungin a tlai a tlain State Transport Authority office chu ka pan nghal a. Transport Director bulah chuan tlai office ban pelh rawk thlengin ka inbun ruak thawl ta hawk a. Director min lo dawnsawn dan leh a mi chhannaah chuan lungawithlak ka tih avangin, Traffic SP office leh Transport Minister ina kal nghal ka tum pawh chu ka thulh ta rih a ni.

Mahse, chumi ni atang chuan sawrkar thupek chu bus tumahin an la zawm leh ta chuang reng reng lo chhunzawm ta ngar ngar a, sawrkar lam pawhin an thupek chu a zawm tura an tih, thupek an siam chhan berte chuan an zawm miah lo tih chu an mit ngeiin fiah em em niti an hmu a. Mahse, thupek zawmlote hrem tura chunglam atanga thu petu an awm lo a ni ang chu, wawiin thlengin kan heti ta mai mai zel ta a nih hi. Chutiang a nih leh si avang chuan ZPM sawrkar chungka lawmthu ka lo sawi thawt thawt kha ka zah leh thute pawh chanchinbawh bawh ka rawn ziak leh ta a nih kha.

Chutichuan, tun sawrkar chuan

city bus chungchang hi chu ka sawi tawh lovang ka ti zet naa, vawikhat chu drug addict ho chungka CYMA thil tih dana lawmthu ka sawi rualin, City bus pick&drop chungchang pawh CYMA chu hma la ve tura ngenna ka ziah chu ka duhthu ngeiin, ka chin dan thina tawngkam dengkhawng deuh taka ka ziah chu city bus lam, ACBOA chuan an lo la na deuh a. An office-a lengah min sawm a, kei chuan an rilru tur chu hresa ranin phur takin ka kal ta a. Kan va inchhal deuh nual naa, inpawh tak leh lungruak takin thu kan sawi ho thei ta a ni. Chu'ng thute pawh chu chanchinbawh bawh ka ziah leh vek kha.

Chumi hnu atang chuan city bus chungchang hi chu ka sawi tawh lovang, kawng hrang hrangin ka sawi hnam ta, ka ti a. Pu PLA'n PHE tui leak nasa lutuk a vei em em, kei pawhin ka lo veipui hi kawng hrang hranga vawi tam a sawi hnu pawha sawt silo, lungawi chuang silo a ngawihsan deuh tak ti tih ang deuh hian, kei pawhin city bus chungchang hi chu lungawi lo teuh chungin ngawihsan ve hrih deuh teh ang ka ti ta a. Amaherawhchu, vawikhat chu Transport Minister office-a ka len tumin amahin a rawn sawi chhuak a, innel takin kan inchhang a. Mahse, ka duh aiin a la thu tak lo deuh nia ka hriat avangin kei chuan fiamthu ti tak deuh si hian a hnenah chuan, "He thilah hian tlawm ka tum miah lo a nia" ka ti nachungin, engtia tih leh tur ngei thi phe chu ka hre tawh chiah chuang lova. Mahse, rilru chuan inthlan leh hun turte chu a thlir ru ve deuh rum rum thin a ni.

Chutia ka awm mai mai tawh lai, city bus lam pawh ka lo ngaihtuah peih tawh loh lai chuan, 2026 May thla chuan, "2026 June ni 1 atang chuan city bus te chu passenger chhuk leh lawn chhung bak chu stand-ah an ding tawh tur a ni lo" tih thu chu sawrkar chuan a rawn tichhuak leh ta lawi si a. Kei chuan, ehue, engtia nge ni ta, Minister khan a ngai pawimawh lutuk lo khan ka hre si a, tunge lo nawr ve awm le aw, ka ti a. Tin, zawm a hlawh leh tak tak pawh chu ka ring chiah chuang lo naa, vawihni thupek chhuahna te a ni bawh a, sawrkar pawh a khauh deuh tawh ring ru deuh chung leh lawm ru deuh chung si chuan, June ni 1 chuan enchhin tur a nih chu, ka ti rilru naa, ka rin lutuk loh deuh bawh si avang chuan ka phur lutuk duh tawh lova, June ni 2 chuan ka enchhin ta zawk a.

Revenue north office leh Mizofed office Ramhlun norh kal nan leh haw nan chuan bus-ah chuan ka chuang ta a. Tichuan maw.. A sawi pawh ka sawi zawm duh dawn emaw ni le.. Zahthlak, thinurthlak, tlawmthlak tak hi a ni ringawt. A khawilai teah mah chuan a tu bus mah chuan sawrkar thupek chu an lo zawm leh ta awzawng chuang lova.

Editorial... Mizo Daily Newspaper

Ruihlo do: CYMA & MKHC

Ruihlo do kawng tan ho dan tur chu Central YMA leh Mizoram Kohhran Hruaitute Committee chuan tun hnai khaan an sawi ho a. Hmalak dan tur hi chipchiarin mipui lamin hre lo mah ila, ruihlo do kawng YMA leh MKHC an thawh dun chuan hmasawna duhawm tak a thlen ngei a beisei theih awm e.

Ruihlo do kawng Central YMA hmalak tawh dan leh hmalak mek dan hi chu mit leh bengin kan hmuin kan hre malh malh ta hle a. Heti khawpa CYMA hmalaknaa ruihlo do a ni chung pawha tun dinhmuna kan la awm hi, CYMA hian ruihlo do kawng hma la ta lo se chuan, kan ram dinhmun tur hi suangtuah ngam pawh a ni awm lo e.

Mizorama ruihlo hlual dan leh ruihlo avanga buai Mizo thalaite an tam tawh dan te, chhungkua bakah khawtlangin kawng hrang hranga a tawrh mek dan te pawh chanchintha lamah ni tin zan tin puanzar a ni a, ruihlo kaihnawih buaina hrang hrang chanchinte hi ngaihtlak peih chhung ngaihtlak tur a awm a ni ber tawh awm e.

Ruihlo do han tih hian, ruihlo sumdawna leh ruihlo ngawlveite a kaw ngal a. Ruihlo sumdawna ramri kaltlanga ruihlo lo lut tur lo dan te, Mizoram chhunga ruihlo lo lut tawh chin manchhuah tuma beih te, ruihlo

ngawlvei (drug addict) buaipui te hi ruihlo dovin a ken a ni tlangpui awm e.

Kan hmuh mek angin, CYMA hian heng zawng zawng hi a hma vek a ni ber a. MKHC lam hian ruihloa sumdawngte veh kual leh ruihlo man tur zawm chiam lam hi chu a thawh ve a remchang hran lo ang a, mahse ruihlo ngawlveite enkawl kawngah leh, ruihlo ngawl vei maithei naupang leh t halaite kawng dik zawh tura kaihhruai kawngah erawh nasa takin hma an la theiin chu lamah chuan an thawh hlawk thei hlein a rinawm.

Ruihlo do kawng hian enge pawimawh ber tih hi sawi fak hleih theih pawh a ni lo a, ruihlo dona atana hmalakna tawh phawt chu a pawimawh vek awm e. Chuti chung chuan, a pawimawh ber thlan chhuah ngei ngei tur ni ta se, "ruihlo laka la buai lo naupang thlanglai leh thalaite kawng dika hrui" tih hi a pawimawh hle awm e. Tuna ruihlo ngawlvei mekte bak hi chu ruihlo avanga buai awm belh tawh miah lo tura hma kan lak theih chuan, demand-tu an awm dawn lo a, supply lam pawh a kiam chho ve mai dawn tihna a ni. He lamah hian MKHC lam hian beihpui an thlak thei ngeiin a rinawm.

Eng pawh ni se, ruihlo do kawng hian sawrkar, pawl, kohhran, khawtlang, chhungkua leh mimal kan tanruak a tul takmeuh tawh tih a lang.

Stand tin maiah chuan an mawngah an inhmeh chhuak leh ta dun zel tho a nih chu. Khawpui laili, mihring leh police tamna, kawng lun leh chep lai stand-ahthe phe chuan an inthlangung ve deuh ang chu ka ti a, a teuh lo lutuk, sawrkar thupek a awm tih pawh hre reng reng lo niawm tak hian, motor switch an han off sauh sauh a, driver chuan meizial an han zu ta veng veng mai thin a nih chu. City bus enkawltuten meizial an zu thin hi ram dangmi mikhual hmuhah a mawi loh thute hi ka lo sawi tawh thin a, mahse, a ngaihna kan awm ngang lo zawng a nih hi.

Aizawla hmun pawimawh, sawrkar hmun pawimawh, Traffic SP office pawh a bul lawka awm, Treasury stand-ahthe chuan traffic police-te chu kawng chhak leh thlangahte chuan ding ve reng mah sela, city bus driver leh traffic police-te chuan melh pawh an inmelh peih lo, hnawksak takin bus lian pui chu kea kalte tibuai tur chuan a ding ruau lui tlat a. Traffic police te pawh an ding kawh ve luah ringawt mai a ni. Ho tak a ni.

City bus-te an stand-a ding reng zel lova an tlan leh nghal mai zel hian, tuna kan khawsak dan ai ngawt chuan a nawm

zawh ziate, a thawvthlak zawk ziate hi hre thiam turin city bus chunga in thupek hi sawrkar hian han kengkawh chhin teh u. Tuna Aizawla mipui kan chet vel dan leh kan khawlai kawng awmdan han thlir hian, nilenga motor lian pui mai kan khawlai pawimawh lai apiang kan awh hnawk luhtir tlat zel mai hi chu tih danglam theih chu a ni asin maw le. Hetiang ti danglam thei lo sawrkar leh a changtu Minister nih pawh hi a tlawmthlak deuh lo maw. Chutiang ai mah chuan, sawrkar ve riang ruangin tute emaw zawm tur thupek han chhuah ve lema, a zawmtu tur-ten an zawm leh zawm loh pawh chu mipui zawng zawng leh sawrkar pawhin nitin an hmuh theih reng nichunga, hetia chhete maha ngaihpawimawh a hlawh lo leh zawm tumna eih pawh awm miah lo hi a mak a. A thupek zawm duhlote chunga sawrkarin action a la ngam lo mawh mai hi a mak ber lai zawk chu a ni e.

Kuhva rah ro mitsiai ai pawh khaan city bus ho mitsiai hi a lang chiang zawk a. Hetiang sawrkar dawihzep tak leh Transport Minister hlauhawm lo tak, city bus ho pawh ngam lo hi chu taxi ho pawh hian an hlauh bik vak a rinawm loh reng a ni.

chuan ngaihdan dang awm thei leh sawi ho zel tur ang a nih hmeh hle bawh. D.C Office kha 17.2.2021 zan khawvar dawn dar 3:15 velah a kan (burn) tak avang khan, a building hlui ang thei bera sak turin INTACH chuan a ti a, sawrkar nen pawh vawi duai lo inbiak a ni. Kan hotute chuan kan duh ang taka duhthusam chu ni chiah loin saktir leh a ni a, tunah an sa zo tep tawh bawh. Treasury kha chu building kang khan tichhe vek lo deuh mah se, a hlui chhe lutuk a, humhalh tlak a ni chiah lo nen, a tharin building dang sak tum niin a lang. Chu loah tunlai chuan Bank chi hrang hrang SBI, RBI, Apex bank leh a dangte pawisa in chu a ni tawh a, Treasury kha a tul dan a awm ta chiah lo bawh.

Tun hnai 14.7.2025-a Lianpui khua Lungphun hlui 86 leh a hmunte National Importance Site atana India sawrkar atanga a han puang maithe hi zankhat thil thua an rawn tih a ni lo. He mi an tih theihna tur hian INTACH chuan t hangkhat liam ta atang khan hma kan la chho ngat ngat a, bei a dawn rum rum hnuah kan Mizoram tana National Importance Heritage Site a lo ni ta hi kan thiane hi chatuan ram pan ta Pu P. Rohmingthangate, Pu Lianhmingthanga, Pu Thanseia, Pu C. Laitangate leh Pu

Ralkhuma te khan hre ve se an lawm ve ngawt ang.

Chutichuan, INTACH Mizoram Chapter hi mi hriat lem loh pawh hian hma kan la ve reng a, tunah hian Lungphunlian khua Lungphun lianpui pui 8 laite, Farkawna Pipu sulnhute leh a dangte pawh hi kan hre reng a ni.

A tawp ber atan chuan, "Mizote hnam ro a him lo, INTACH-in thawm an nei lo," tih hi thahnemngaihna aw a ni a, lawmawm lamah ngaih sak ila. INTACH hian kan duh zawng zawng hi kan ti seng lo a; tin, mipui tan a tha ber lem lo pawh a awm ang. Tul zual leh loh theih loh pawh hi kan ngah a, kan ti ve reng bawh. National Importance Site lo pawh State Importance Inheritance Site-a dah pawh kan nei nual mai bawh. Tun lai hian Mizoram Lungphun (Megalith) pawimawh lam hma kan la mek bawh a, hei pawh hi thil namai lo tak a ni e. A thu rawn ziak hi min titangtu leh mipui min finchhuahthang tang hlauh teh se.

A tawp ber atan chuan Assam Rifles chhuahsan ram hi sawrkar siam committee-te kut a ni a. A tul dan a zirin mipuiin tawiam ila, INTACH Mizoram Chapter hi a awm mai mai lova, a theih ang ang chuan hma an la reng a, an duh ang erawh chuan hma an sawn chak lo zawk a ni e.

ASSAM RIFLES CHHUAHSAN RAM HI

C. Lalaudinga INTACH Mizoram Chapter

Kum 2025 March 15-a Union Home Minister Amit Shah leh Hon'ble Chief Minister Pu Lalduhoma hriatpuiin Assam Rifles Sector 23 hmunpui Khatlaah Sector 23 Deputy Inspector General Brig. Ginish Upadhyay'n GAD Secretary Govt. of Mizoram Vanlaldina Finai hnenah Aizawl khawpui lailia A.R hmun chhuahsan ram Map a hlan ni atang chuan Assam Rifles chuan an ram an chhuahsan fel tak thu kan lo hre ta a. Aizawl leh Mizo mipui tan thil lawmawm tak a ni. Amit Shah-a chuan Assam Rifles chhuahsan ram chu tangkai taka mipuiin an hman a duhsak thu a sawi a, "Kum 35 lai mipui duhthusam chu tunah a takin a lo thlang ta a ni," a ti a.

Assam Rifles chhuahsan ram chu mipuite tana tangkai tak leh a tha thei ang bera hman tumin kan sawrkar dinglai chuan a ngaihtuatu committee pawh a din ta reng a. Mipui lam atanga mi thahnemngaiten a hman tangkai dan

tur an duhthusam an thlir pawh a tam hle awm e. Mahse, mi tu emaw ngaihtuahna ringawt chu tihhlawhtlin vek chi chu a ni lem lo. Chutih rual chuan, "The Aizawl Post, Ni tin Chanchinbu April ni 26 & 27 - 2026, pheh 1-naah chuan, "Mizote hnam ro a him lo" tih kan lo hmu ta a.

Hemi ziaktu hian Assam Rifles chhuahsan ram chhunga building hrang hrang leh Thingte a hmun chenin Mizoram Ancient Monuments and Archaeological Sites and Remains Act 2001 anga humhalh tlat turin INTACH (Indian National Trust for Art and Cultural Heritage Mizo Chapter, Aizawl chuan humhalh zel se a duh a, thu leh nei lo in an la ngawih reng thu kan hmu a. A thahnemngaihna hi a ropui a, a zahawm hle mai. Mahse, INTACH hi a ngawi reng lova, a theih ang ang chuan hma a la ve reng thin tih hi kan sawi duh chu a ni.

INTACH hian Central sawrkar leh State sawrkar hian dan tha taka humhalh hmangin building hlui zawng zawng kum 75 tling tawh chu Art & Cultural Heritage-ah puan vek a tha ber

kher lo ang, kan thing leh lung thlengte pawh hian a ni. Kan hmasawna tur dal thei lutuk chi angte hi tih khera rem lo leh tha lo a awm thei. Kan ram kawng pui kalte hi Heritage site atan humhalh ngawt ila, hma kan sawn thei lo ang. Assam Rifles hmuna kawngpui zauhna tur thingte a awm chuan kan zauh ngawt thei lo, mipuiin hmasawm kan duh, kawng lo dal lutuk kan kih mai a ngai ang. Assam Rifles hmun April thla bul lama thing an kih tan pawh khan, kawng dal leh thil tha zawk tihna tur ni lem lo a thing kih kha a dik chiah lo reng a. Mahse, tul leh mamawhah chuan kih chu a tul bawh ang.

Assam Rifles chhuahsan ram hi mipui tana hman tangkaina ngaihtuah turin kan sawrkar hian Advisory Committee a din nghal a, chung mite chuan a hman tangkai dan tur an rel thin. Chu miah chuan INTACH chuan Quarter Guard Building hi zuaha humhalh turin Building Heritage-ah a thehlut a, remtih a ni tawh bawh.

Tin, building dang Loch Hall etc-te hi chu Building Heritage atan hauh mah ila, mipui hmasawna thil dang a dal erawh

A chipui Svitolina hneha semi-final lut Kostyuk



French Open women's singles quarter-final match pakhatath Thawhlehi zan khan Ukrainian player ve ve intumin, Elina Svitolina laka 6-3, 2-6, 6-2 hneha changtu Marta Kostyuk chuan a career-a a wavi khatna atan Grand Slam semi-final a lut ve ta hlwai a, a hneha sualchhuah hi Ukrainian mipui tan a hlan zui nghal.

Kum 23-a upa Kostyuk hian on-court interview-ah tunhnaia Russia missile-in an khawpui ber Kiev a bitum leh boruak behchhanin a chipuite tana a hneha sualchhuah a hlan a, a mittui a dang zo lo.

15th seed Marta chuan hian last-four match pakhat zawkah an hmelma Russia chhulchhuak Mirra Andreeva ngei mai a hmachhawn leh dawn a, a tang na khawpin a rinawm!

Russian tleirawl Andreeva hian quarter-final match pakhatath Thawhlehi zan

khan 6-0, 6-3-in Romanian veteran Sorana Cirstea chu ruahsur hnuaiha a hneha, Roland Garros draw-a hming hraw an tlak zawh duak tawh avangin a Grand Slam title hmasaber tur a hmin hnai tiin sawi ila a awm lo lutuk lo mai thei!

Kum 19 mi Andreeva hian a wavi thumna atana Grand Slam quarter-final khel Cirstea lakah harsatna lian a tawh lo a, Court Philippe Chatrier chung khuh (roof) hnuaiha set hmasa zawk kha minute 24 lek chhungin a la fel hman!

Tum 16 chak tlinga tleirawl zinga Paris main draw hneha chang hmem ber ni chho ta Andreeva hian tun season tawp ruala professional tennis chawhhsan ve tawh tur Romanian kum 36 mi ni tawh Cirstea tan eng zahngaihna mah a lantir lo a, kum hnih kalta ang bawkin French Open semi-final a lut ve leh ta phawt e.

England World Cup squad number a leak out!

Kan hma lawk Fifa World Cup-a England squad luahtu player-te jersey hak tur number chu a hun hmain a tlang thang niin an sawi a; Real Madrid attacker Jude Bellingham chuan Euro 2024 laia a hak number 10 shirt bawh kha a chang leh dawn.

England squad number at ang hian Thomas Tuchel-a starting XI tur hriat theih mai dan a awm thei em?

Tunhnaia thla engemawti liamta chhunga Tuchel-a ruahmanna huanga a tel chiah leh chiah loh Chiang lo ruai Bellingham tana No 10 shirt dah a nih tak hnu hian central attacking role chang turin No 17 hatu tur Aston Villa hmatawng Morgan Rogers aini a awmkhai deuh ta niin a lang!

Manchester City star Nico O'Reilly chu No 3 pek niin, tun tournament chhung hian England team first-choice left-back a ni mai ang em?

No 15 ha tur Newcastle defender Dan Burn pawh hi left-back lama dah theih tho a ni.

Nottingham Forest midfielder Elliott Anderson chuan Tuchel-a ruahmannaah hmun lailum a chang tih



nemngnet zual turin No 8 pek a ni-ah kan ngai em?

A hmaa No 8 shirt hatu Brentford star Jordan Henderson chuan No 14 a ha tawh dawn a, he number hi Liverpool-a a hlawhtinpui number tho kha a ni.

Manchester City player pahnih John Stones (No 5) leh Marc Guehi (No 6)-te hi England first-choice central-defensive pair ni tura ngaih an ni.

Tlarhma lamah Manchester United-in Barcelona lama loan-a an chhuatir forward Marcus Rashford chuan No 11

shirt a ha dawn a, vei lam sirah No 18 ha tur Barca newcomer Anthony Gordon nen hmun chan an inchuh hmel.

Chelsea lama a hak number ngai bawh 24 ha leh tur Reece James chu he tournament-ah hian first-choice right-back a nih rin a ni bawh.

Captain Harry Kane chuan a zawna World Cup tum thum a khelhna turah pawh a number ngai zel No 9 kha kuminah pawh a rochun leh dawn

England squad- player pakua chu tunhna lama World Cup la khel ngai lo an ni.

Three Lions hian Group L bul an tanna turah June ni 17 khian Dallas khawpuiha Croatia an hmachhawn ang.

ENGLAND FULL SQUAD NUMBER LIST

No.	Player
1.	Jordan Pickford
2.	Ezri Konsa
3.	Nico O'Reilly
4.	Declan Rice
5.	John Stones
6.	Marc Guéhi
7.	Bukayo Saka
8.	Elliott Anderson
9.	Harry Kane
10.	Jude Bellingham
11.	Marcus Rashford
12.	Tino Livramento
13.	Dean Henderson
14.	Jordan Henderson
15.	Dan Burn
16.	Kobbie Mainoo
17.	Morgan Rogers
18.	Anthony Gordon
19.	Ollie Watkins
20.	Noni Madueke
21.	Eberechi Eze
22.	Ivan Toney
23.	James Trafford
24.	Reece James
25.	Djed Spence
26.	Jarell Quansah

Iran WC squad-ah Azmoun tan hmun a awm lo!



Tunlai buaina avangin Asian giants Iran chu Israel nen tangruala an ram beitu US leh a thenawm ram pahnihte inthlent awm tur kumin World Cup-ah hian an tel lo mai ang em tih zawhna a pian mek laiin an chhuah ngei tur thu tihchian a nih hnuah Iran squad pawh tarchhuah a ni tawh a, tah chuan an ram tana goal khung hmem pathumna ni pha forward Sardar Azmoun telh a ni lo!

United Arab Emirates club Shabab Al-Ahli tana khel mek Azmoun hnawl a nih chhan hi sport lam kaihnhawih vang ni loin an ram sawrkar thu awih lo zinga puan a nih vang a ni!

Tun indo buai hma lawka Iran rama tualchhung helna leh lungawilohna lianpui chhuak an hmehmih hnuah Iran sawrkar chuan tualchhung buainaa sawrkar laka hel nia a puhte lakah hremna na tak a lekkawh an a, ram infiammi langarte thlengin tihlum zingah an tel a; tunlai buaina chhuak

meka an sawrkar demna lam hawi a tarchhuah avangin an footballer hriat hlawh tak pawh hi World Cup khel thei lo zawngin an dangbet zui leh ta niin a lang!

Azmoun hian March thla mai khan US leh Israel nena an sawrkar indona a duh lohzia lantirna ni ngeia ngaih theih turin an sipaite'n missile hmanga an beih thenawm ram zinga pakhat UAE ruler Mohammed bin Rashid Al Maktoum nena an thlalak chu social medai lamah a phochhuak a, hei hian an sawrkar a tithinrim nia ngaih a ni.

Tarlan tak angin, US sipaite'n Iran beihna hmanrua atana an hman ram zinga mi UAE hmum thenkhat chu Iran hian a bei a, heti ang boruak hnuaiha UAE ram hruaitu nena an thla lak dunna lo tarchhuah chu thil tih chi niin a lang lo!

Ram tan game 91 khela goal 57 thun tling tawh Azmoun hi 2026 World Cup khel tur squad la thlitfim leh tur (preliminary squad)-ah takngial pawh telh a ni

lo a; zin chhuak tak tak tur squad puanah pawh Iran coach Amir Ghalenoei chuan a telh zui ta chuang lo a ni.

World Cup khel tura Iran fehchhuak hi Mexico chuan a mikhual theih tur thu puangin, he ramah hian an inkulh fel tawh nghe nghe.

Mexico president Claudia Sheinbaum chuan tournament thlengtu pui ber US chuan an hmelma sarwkar atanga chhuak Iran team mikhual hi an chak vak lo niin a sawi!

Iran squad-ah hian an player langsar dang pahnih Mehdi Taremi leh Alireza Jahanbakhsh-te hmuh tur an awm thung.

Kum 33 mi ni ve tawh Taremi hi Greek club lian Olympiakos tana khel lai niin, Brighton winger hlui Jahanbakhsh hi Belgian Pro League club Dender nena contract nei lai a ni.

Iran hian an bul'anna June ni 15 inkhelah New Zealand tumin, an hmachhawn leh tur Belgium (June 21) game nen Los Angeles kuaah ve ve an group stage match hmasa pahnih an khel dawn a, June ni 26-ah Egypt nen Seattle kuaah an innuai chhuzawm leh ang.

IRAN WORLD CUP SQUAD (Club hming tarlan loh zawng hi Iran ram chhunga khel an ni)

Goalkeepers: Alireza Beiranvand, Payam Nia-zmand, Hossein Hosseini

Defenders: Ehsan Hajsafi, Milad Mohammadi, Ali Nemati, Shojae Khalilzadeh, Hossein Kanaanzadegan, Danial Eiri, Ramin Rezaeian, Saleh Hardani

Midfielders: Saman Ghoddos (Kalba, UAE), Saeid Ezatollahi (Shahab al-Ahli, UAE), Mohammad Ghorbani (Al-Wahda, UAE), Rouzbeh Cheshmi, Amir Mohammad Razzaghinia, Mohammad Mohebi (Rostov, Rus), Mehdi Torabi, Mehdi Ghayedi (Al-Nasr, UAE), Alireza Jahanbakhsh, Aria Yousefi

Forwards: Mehdi Taremi (Olympiakos, Gre), Amirhossein Hosseinzadeh, Ali Alipour, Shahrivar Moghanlou (Kalba, UAE), Dennis Eckert (known in Iran as Dennis Dargahi, Standard Liege, Bel)

Serena comeback hun tur a hriat ta

Kum 44 mi ni tawh chungin a chawl hlen mai dawn emaw tih hnuah Serena Williams chuan competitive tennis comeback a kalpui hun tur a sawi Chiang ve ta nge nge a, London khawpui Queen's Club tournament-ah a intan leh dawn tih a nemngnet.

Kum li dawn WTA Tour atanga a kalbo hnuah American hian Wimbledon thlirin warm-up tournament lian Queen's chu professional tennis-a kirlehna kailawn atan a thlang fel a; he thu hi Thawhtanni khan khawvel hriatah puangin, kumin Wimbledon-ah pawh inlan zui nghal tura beisei a ni rih phawt.

American great Serena Williams hi Queen's Club doubles draw-ah wildcard entry pek a ni tawh a; 2022 US Open zawh ruala tennis a chawhhsan thu a puan atang khan tun hi WTA Tour-a a inlan leh hmasakker tur a ni.

Grand Slam singles title 23 a khawl tiin tawh zinga a hnuhngber chu kum 2017-a a lak daih tawh kha niin, tuna a kirleh tur thu hi Williams chuan

social media lamah video siamin a pho chhuak a; he hun thleng tur hian nikum mai khan hun bi neia damdawi khap chi an hman leh hman loh endikna tennis anti-doping testing pool an tih chu a lo zawm fel tawh.

British media hrang hrang tarlan danin June 8-14 tournament Queen's Club women's doubles inelnaah Serena hi Canadian mihang tleirawl kum 19 mi Victoria Mboko nen an inkawp ang.

Heti a nih tak hnuah mite ngaihven hlawh zui nghal chu singles title pasarih tehreng a lak tlinna Wimbledon lam hian June ni 29 atanga All England Club-a khelh tan tura ruahman grasscourt Grand Slam-a tel turin ngaihnamna an pe dawn em tih hi a ni.

A fitness-in ngai a awl leh theihna'n Serena hian thla enggemawzat liamta atang khan training a kalpui tawh a; a insangpek lai vel thlalak hi social media lamah a tarchhuak deuh reng bawh.

Tarlan tawh thin angin, 2022 US Open third round-a a tlak hnu khan

Williams hian professional tennis a chawhhsan thu puangin, kum li hnuah a comeback tur nemnghehna thawm hriat tur a awm zui ta a ni.

Doubles lama a hlawhtinpui leh a laizawn ni nghal Venus Williams pawh a nau aia thla 15 laia upa ni chungin WTA huangah hian a la inkhel ve mek a, an unau hian an tangdun leh dawn em tih chu zawhna pakhat a ni tel bawh.

Williams unau tangdun hian Grand Slam doubles title 14 ngawt an la tling tawh!

Hmeichhe tennis thuneitu sang ber WTA chair Valerie Camillo chuan Williams naupang zawk kirleh turin tour a tihphur nghal em em thu sawi chungin, Serena chu infiammi piang chhuak tawh zawng zawng chhiar tel vek pawhin a ropui berte zinga tel pha a nih thu a sawi a, a hlawhtinna chu khelmual pawn lam thlenga inzarpah a nih thu leh hnah thar lo chhuakte'n top player-te an hmachhawn tur a hmuh chak tawhia hapin a sawi!



FOOTBALL TITI

- Ivory Coast forward Evann Guessand chuan Aston Villa chhuahsanin loan-a a zawm Crystal Palace chu a ngheta zawm a tum. (Evening Standard)
- Sunderland goalkeeper Anthony Patterson chu Wrexham in lak an duh a, mah se an chhiarna £8m-10m aia hniama lak an tum thung. (Sky Sports)
- Aston Villa chuan Spanish right-back Andres Garcia chuan nipui bazar inhawn hunah loan in chhuah a tum a. Valencia leh Elche te chu ngaihvien zingah an tel. (Tribuna Deportiva - in Spanish)
- Tottenham chuan Eintracht Frankfurt winger Jean-Mattheo Bahoya chu lak tum in ngaihvien a. Mah se, Bundesliga club hian ku 21 mi Bahoya hi hrath an hreh viau thung. (Teammate)
- Aston Villa chuan Arsenal pawh tela EPL club ten an ngaihvien attacking midfielder Morgan Rogers chu kawh chhuzawm an duh a. Kum 23 mi England international hi hrath tumna an nei lo. (Telegraph - subscription required)
- Eintracht Frankfurt leh Germany full-back Nathaniel Brown chu German champion Bayern Munich leh English champion Arsenal ten lak tum in ngaihvien. (The Athletic - subscription required)
- Manchester City leh Chelsea te chuan Juventus wing-back Andrea Cambiaso an ngaihvien a. Kum 26 mi Italy international hi Barcelona pawhin an thlithlai ve reng bawh. (Gazzetta dello Sport - in Italian)
- Liverpool leh Paris St-Germain te chuan RB Leipzig winger Yan Diomande lak ngei an duh a. Hetihlai hian German club chuan kum 19 mi hi contract thar tha zawk ziakin, a hnenah season khat chauh lo deuh pawh a cham belh ngei an ring viau thung. (Sky Sports Germany)
- Barcelona boss Hansi Flick, sporting director Deco leh president Joan Laporta te chuan Manchester United forward Marcus Rashford chu a ngheta lak luh an duh hlavm. An lak ngheh dawn leh dawn loh an tihchian loh reng vangin Bayern Munich, Newcastle, Tottenham leh Aston Villa te chuan kum 28 mi England international hi lak tuma an ngaihvien vangin Barca pawh hian lak ngheh an duh leh hnuhnawh niin a lang. (The I)
- Juventus chuan Bournemouth leh Netherlands forward Justin Kluivert chu Real Madrid atanga lak an tum Morocco international Brahim Diaz aia lak an duh ta zawk. (Gazzetta dello Sport - in Italian)

WC 2026 a player naupang ber Mora



World Cup 2026-ah Mexico chuan an ram aiawh turin kum 11 leh ni 240-a upa Gilberto Mora an ko tel a. Mora hi World Cup 2026-a player naupang ber a ni dawn.

World Cup 2026-ah hian ram hrang hrang 48 an tel dawn a, player zawng zawng hi 1,248 an ni dawn tihna a ni. Player 1,248 zet zingah hian rawlthar (teenagers) 22 an tel dawn. Rawlthar 22 zingah chuan inelna thlengtu pakhat Mexico player Gilberto Mora a naupang ber dawn.

World Cup ah hian rawlthar player duhawm tak tak an lo inlan tawh thin. Kum 1958 khan kum 17 mi ni chungin Pele a langsar viau a, Brazil a champion pui. Kum 2018 khan kum 19 mi

Kylian Mbappe chuan France a lo champion pui tawh bawh. World Cup 1998 a France an champion tum khan England rawlthar Michael Owen a lo langsar viau tawh bawh.

World Cup 2026-ah pawh hian rawlthar duhawm tak tak an inlan leh dawn a, chung zingah chuan kum 18 mi Lamine Yamal a langsar viau dawn a. Yamal-a'n Spain tana a khelhpui Pau Cubarsi pawh a hmuhdawm a rinawm. Anni bakah hian Germany in an koh tel kum 18 mi Lennart Karl te, Warren Zaïre-Emery, Désiré Doué, Nico O'Reilly, Arda Güler leh Nico Paz te pawh rawlthar langsar zual zingah an tel ang.

World Cup 2026 a player naupang ber tur Gil-

berto Mora hian mualchhung a lut a nih chuan Mexico tan World Cup khel thei naupang ber record thar a siam ang. Mexico tan hian Gold Cup, 2025 khan bul a lo tan tawh a, Mexico tana bul tan thei naupang ber a lo ni tawh nghe nghe a ni.

World Cup 2026 a player naupang ber Mora a nih lai hian kum 43 leh ni 162 a upa Scotland goalkeeper Craig Gordon chu player upa ber a ni ve dawn thung a. Player upa ber leh naupang ber kum inthlauhna hi kum 26 zet a ni. WC 26 player upa zual zingah kum 41 mi Portugal captain Cristiano Ronaldo a tel.

WC 26 hi player 357 zet tan an hun hnuhnung a ni dawn a. Hetihlai hian player 891 zet tan an bul tanna tur a ni ve thung dawn.

Player zingah Lionel Messi leh Cristiano Ronaldo te chu World Cup wavi ruk khel thei awmchhun an ni dawn a. Coach lamah chuan Ghana coach Carlos Queiroz chu World Cup-ah a zawna wavi nga team kaihrui thei pahnhna niin, Bora Milutinovic (1986-2002) hnung a zui dawn. Manchester United manager Queiroz hian World Cup-ah Portugal (2010) leh Iran (2014, 2018 & 2022) khan a lo kaihrui tawh a, WC 26-ah hian Ghana a kaihrui leh dawn.

Real Madrid aia luck Crystal Palce



June ni 11, Ningani zan atangin khawvela ennam ropui ber Fifa World Cup khel tan a ni dawn a. World Cup 2026 ah club atanga player thawh hnen lamah khawvela football club ropui ber Real Madrid aia EPL-a 15-na Crystal Palace an luck zawk a, player an thawh hnen zawk.

EPL-ah 15 na daih ni chung a Conference League champion Crystal Palace in World Cup khel turin player 12 an thawh a. Player 12 te hian ram 10 ai an awh dawn. Eagles player, World Cup 2026 khel turte chu; Chadi Riad (Morocco), Chris Richards (USA), Evann Guessand (Ivory Coast), Daichi Kamada (Japan), Yéremy Pino (Spain), Jean-Philippe Mateta and Maxence Lacroix (Both France), Jørgen Strand Larsen (Norway), Ismaila Sarr (Senegal), Daniel Muñoz and Jefferson

Leerma (Colombia) and Dean Henderson (England) te an ni.

Crystal Palace player 12 ngawtin World Cup an khel dawn lain khawvela Football club hausa ber Real Madrid chuan WC 26 khel turin player 11 chauh an thawh ve thung. Champion tura rinkai ber zing a ni Spain aiawh turin Real Madrid player pakhatmah koh an ni lo hial a. Hei hi Spain chanchinah World Cup khel tura Rewal Madrid player an koh tel loh wavi khatna a ni hial a ni.

Mexico, USA leh Canada ten an inthlen tawm tur World Cup 2026-ah hian Manchester City player an tam ber a, player 19 ngawt an thawh. City dawtah hian player thawh hnen zualte chu; Bayern Munich (18), Paris Saint-Germain & Arsenal (both 16) leh Barcelona (15) te an ni.

World Cup a mimal record langsar

Football hmanga inelna lian ber FIFA World Cup hi 'khawvela ennam ropui ber' (The Greatest Show on Earth) tih a ni thin. Kum 1930 atanga khel World Cup hi wavi 22 khel a lo ni tawh a. Indopui pahnhna avangin kum 1942 leh 1946 khan khel theih a ni lo thung. World Cup wavi 22 khel tawh wavi nga champion tawh Brazil chu champion ngun ber an ni. Tun tumah hian wavi 22 zet khel tawh FIFA World Cup a mimal record langsar zual kan tarlang ang.

1. World Cup-a wavi 3 champion thei Pele
 'Football lalpa' an tih hial khawpa footballer ropui leh hlawhtling Pele khan World Cup trophy wavi tum ngawt a chawi a, mimala World Cup trophy chawi ngun ber niin, a record hi khum harsa hle tura ngai a ni.

World Cup-a wavi nga champion tawh, champion ngun ber ni mek Brazil hian kum 1958 at anga 1970 chhung khan World Cup hi an thunun hmiah a, a zawnin wavi thum tehreng an champion. Wavi thum an champion zawng tum hian Pele hi an player pawimawh a ni vek. World Cup-ah hian wavi khat chauh champion ngawt pawh a har tehreng nen, a zawna wavi thum champion chu thil mak leh ropui tak a tling. Football khel mek zing ropui ber pawla ngai Cristiano Ronaldo hian World Cup-ah an ram a la champion pui thei lo va, hei hian Pele record khum har turzia a tiching thei mai awm e.

2. Tum khata goal thun hnen ber Just Fontain:
 World Cup-ah hian goal khat thun ngawt pawh a harsa a, a hlut tehreng nen France player pawimawh Just Fontain chuan World Cup 1958-ah khan goal 13 zet a thun a. World Cup khel tan 1930 atanga World Cup hnuhnung ber 2022 thlengin World Cup wavi khatah amah aia goal thun hnen an la awm lova, an awm leh thei pawhin a rinawm tawh lo hial.

3. Match khata goal thun hnen ber Salenko :
 Russia forward Oleg Salenko chuan World Cup 1994-ah khan match khatah goal nga (5) zet a thun a, hei hi World Cup 2022 thlengin World Cup chanchinah match khata goal nga thun tling hmasa ber leh awmchhun a la ni reng. Ram hrang hrangten football-ah hma an sawn chak hle hlavm a, World Cup mai ni lo, inelna hrang hrangah goal thun a harsa tulh a. World Cup top scorer te pawhin goal nga an thun tling ta t awk hlavm. Chutiang chu a nih avangin match khata goal nga zet thun hi thil namai lo tak a ni.

World Cup 1994-ah khan Russia chuan 6-1 ngawtin Cameroon an sawp a, goal ruk an thun

zinga goal nga hi Oleg Salenko thun a ni.

4. Hatrick siam rang ber Kiss:
 World Cup 1982 chu Spain-ah ngah a ni a, Italy chuan 3-1 a West Germany hnehin an champion. Spain-in World Cup a thlen tum hian Hungary forward László Kiss chuan minute riat (8) chhung lekin hatrick a siam a, hei hi World Cup chanchinah hatrick siam rang ber record a ni.

Hungary leh El Salvador te an inhmachhawn tumin Kiss hian bul a tan lova, second half-ah mual chhung a lut ve chauh. Khelmual a luh hnuin a che ropui zui ta viau a, minute riat chhung lekin hatrick a siam hman. Hemi tum hian Hungary hian El Salvador hi 10-1 ngawtin an sawp nghe nghe a ni. World Cup-ah hian hatrick wavi 54 siam a ni tawh a. Kiss ang em ema hatrick siam rang erawh chu lei chung vanhnuai an la awm rih lo thung.

5. Goal thun rang ber - Sukur
 Asia khawmualin World Cup a thlen wavi khatna; kum 2002 khan Turkey chu rin phak bakin an che tha a, semi-final hial an thleng. Final lut zo lo mah se, a thlengtu pakhat South Korea hnehin pathumna an ni. Pathumna inchuha Turkey leh South Korea an inhmachhawn tumin Turkey player ropui Hakan Sukur chuan inkhel tan atanga second 11-na lekah hmahruaina goal a thun. He goal hi World Cup chanchinah goal lut rang ber a ni. Sukur-a'n record a siam atanga kum 20 hnuah pawh khum thei an la awm lova, khum a har tawh hlein a rinawm.

6. World Cup pangaa goal thun vek thei Ronaldo
 November ni 24 - 2022, Ninga zan dar 9:30 khan World Cup 2022 khel mekah Portugal leh Ghana te chu Stadium 974 ah an inkhel a. He inkhel hi a hmunah mi 42,600- in an en. Ghana lakah hian Cristiano Ronaldo chuan ama penalty hlawhchhuah ngei chu minute 65-naah a pet goal a. World Cup hrang wavi nga (5) khel a, goal thun vek thei record thar a siam zui nghal.

Ram tan goal thun hnen ber Cristiano Ronaldo hian kum 2006 khan a wavi khat nan World Cup a khel a. Iran an hmachhawn tumin penalty a pet goal a, World Cup-ah a wavi khat nan goal a thun. World Cup-ah goal a thun hmasa ber tum hian kum 21 leh ni 132 a upa a ni a; Portugal tan World Cup-ah goal thun thei naupang ber ni nghalin, 2022 World Cup-ah goal a thun khan kum 37 leh ni 292 a upa a ni a; World Cup-ah Portugal tan goal thun thei upa ber a ni leh bawh.

Mi tam takin footballer tha bera an ngai Cristiano Ronaldo hian kum

2006, 2010 leh 2014 World Cup-ah te khan goal khat theuh a thun a. 2018 World Cup-ah khan goal li a thun ta lawih thung a. World Cup a khel hnuhnung ber tura ngai World Cup 2022-ah goal khat a thun zui leh bawh. World Cup hi wavi khat khel ringawt pawh a harsa em em a, wavi nga khel a, goal thun ziah phei chu thil har tak, player tha leh tlo bik; Cristiano Ronaldo te chauh in tihtheih a ni reng a ni.

Ronaldo hian a wavi ruk nan World Cup a khel dawn a, Lionel Messi nen World Cup wavi ruk khel thei record thar an siam dun leh dawn bawh.

8. Best player wavi hnih ni thei - Messi
 Mihring piang tawh zing a footballer ropui ber ang hiala ngai Lionel Messi hian World Cup wavi nga; 2006, 2010, 2014, 2018 leh 2022 a khel tawh a. Final wavi hnih khel tawhin, best player-ah wavi hnih thlan niin Golden Ball wavi hnih a dawng tawh.

World Cup 2014 khan Argentina hian final an lut a, si khat faia Germany lakah tlawmin, an champion zo lo. World Cup 2014-ah hian Lionel Messi hi a wavi khat nan 'Best player' ah thlan a ni.

Football thiam ram Argentina hi World Cup 2018-ah quarter-final lut zo lovin tla mah se an insiam tha a, World Cup 2022 ah final an lut leh ta nawlh. World Cup final khel tawh zawng zawng ropui leh hmuhdawm bera ngai Argentina hian penalty shoot-out-ah champion lai France an hneh a, an champion ta nge nge. World Cup-ah a wavi thum nan Argentina an champion tum hian Lionel Messi a khel tha thei viau a, khel ruk a hmachhawn atangin goal sarhi a thun a. 'Man of the match' ah wavi nga ngawt thlan niin, World Cup-ah a wavi hnih nan 'Best Player' ah thlan a ni leh ta bawh. World Cup-ah 'Best player' wavi hnih ni thei awmchhun a ni a. A record siam hi khum harsa hle tura ngai a ni.



Drake 'Janice STFU' a lar ber



sales te chu tehna paw-imawh a ni.

Drake "Janice STFU" hian kar khat chhungin stream maktaduai 55.7 leh sales 2,000 a nei thei a, hei hi a kar hnih nan chart-ah a No.1 pui leh ta a ni.

Kar kalta chart-ah khan top 10-ah Drake hla pasarih a lang thei a, tunkarah pawh hla hnih a la nei thei a, a hla dang "Shabang" chu No.9-ah a la lang bawh a ni.

Olivia Rodrigo hla thar "The Cure"-in stream maktaduai 50 leh sales 5,000 neiin, No.2-ah a debut a, he chart top 10-a a hla lang thei 10-na a ni. A hla dang he chart-a No.1 pawh lo ni tawh "Drop Dead" pawh No.10-ah a la lang thei bawh.

Billboard Global 200 Top 10:

- 1 Janice STFU - Drake
- 2 The Cure - Olivia Rodrigo
- 3 Billie Jean - Michael Jackson
- 4 Swim - BTS
- 5 Dracula - Tame Impala & JENNIE
- 6 Beauty And A Beat - Justin Bieber Featuring Nicki Minaj
- 7 Choosin' Texas - Ella Langley
- 8 Beat It - Michael Jackson
- 9 Shabang - Drake
- 10 Drop Dead - Olivia Rodrigo

Drake hla hit "Janice STFU" chu Billboard Global 200 chart-ah a No.1 a, he chart-a kar hnih a No.1-na niin, Drake hla he chart-a kar khat aia tam No.1 ni thei hmasa ber a ni a, a hla chart No.1 ni thei palina a ni bawh. Hetihual hian Olivia Rodrigo "The Cure" pawh chart top

five-ah a debut. Billboard Global 200 chart hi kar khat chhunga khawvel huapa hla lar dan tehna niin, chart ranking siam nan hian kar khat chhunga ram hrang hrang 200 chuanga official-only stream (subscription leh ad-supported audio leh video music services) leh download

Tunlai Bollywood buainaah FWICE-in Ranveer Singh thawhpui loh tur tia an thuchhuah an sût



Federation of Western India Cine Employees (FWICE) chuan Bollywood actor Ranveer Singh thawhpui lo tura an member te hriatirna an tichhuah tawh chu nimin khan an sût leh ta a, hetihual hian kumina India film hit zet mai "Dhurandhar" changtupa hian FWICE hi legal notice a pe ve thung.

Ranveer Singh leh FWICE te buai ãanna hi Bollywood film "Don 3" siam tur atanga Ranveer Singh a inhnudawh leh thut vanga he film siamtu Farhan Akhtar nena an inkar thuchhia kal zel rah chhuah a ni a, Bollywood history-a chanchin bengkhawn hlawh zual a tling ta hial a ni.

'Don 3' film-ah

hian Ranveer Singh hi chang tura tihfel vek tawh a ni a, mahse, film siamtu Farhan Akhtar nena an kar thu a chhiat tak avangin Ranveer hi a inhnudawh leh ta thut a, Akhtar a company Excel Entertainment chuan hetiang a Ranveer Singh a inhnudawh leh thut avang hian compensation cheng vaibelchhe 45 a phut ta a, FWICE hian he actor lakah hian non-cooperation directive an tichhuakin, an member te chu Ranveer Singh hi thawhpui lo tura an tihna an tichhuak ve nghal bawh a ni.

Ranveer Singh hian "Don 3" atanga a inhnudawh leh takna chhan film siamtute nena creatuvity lama inlungrual lohna bakah pro-

duction an tikhawtlai zel vang te, final script a awm theih loh vang te niin report a awm a, mahse, Ranveer erawh hemi chungchang hian a ngawi rih a, FWICE hi legal notice a pe a, a legal notice-ah hian engtiang chiahin nge thu an kalpui tih pawh puanzar a ni lo.

FWICE president BN Tiwari chuan Ranveer Singh nena an pawl inkarah hian a chak zawk leh chak lo zawk pawh an awm chuang lo niin a sawi a, PTI chuan Indian Motion Picture Producers' Association, Producers Guild of India leh Cine & TV Artists' Association te an inrawlh hnuah FWICE hian an thuchhuah hi an hnuk kir leh ta niin an tarlang.

2026 Bajaj Avenger Street 220 India-ah tlangzarh



Bajaj Auto chuan an Avenger Street 220 chu India-ah an tlangzarh a, showroom-ah Rs 1,30,000 man a ni. He motorcycle hi an tlangzarh hmian thawm an nei vak lo a, tlangzarhna pawh hi an theh lar teh vak lo a, an company official website an tarchhuak a, tihian April 2020-a emission norms avanga an tihtawp hnuah Avenger range-ah Street 220 badge a rawn kir leh ta a ni.

A mechanical-ah chuan Avenger Street 220 hi Cruise 220 nen a danglam lo a, 220cc single-cylinder, air/oil-cooled engine neiin, 19 bhp @ 8,500 rpm leh 17.6Nm torque @ 7,000 rpm pechhuak thei a ni a, five-speed gearbox a nei.

Avenger Street 220 leh Cruise 220 te hi a danglamna chu a design leh ergonomics (ergonomics tih chu a khalh leh chuan nawm dan tiin a dah theih mai e) a ni deuh mai. Avenger Street 220 hian handlebar hniam deuh zawk neiin, khawpui chhunga riding position nuam deuh zawk tura duan a ni a, Cruise 220-in pillion backrest a neiin ang chu nei ve loin, windshield sang tha tak leh compact flyscreen a nei ve thung.

Avenger Street 220 an tlangzarh thar leh takah chuan Bajaj chuan an Avenger lineup an tidanglam leh dawn a, Avenger Street 160 titawpin, Avenger Cruise 220 leh Avenger Street 220 te an company cruiser motorcycle a ni dawn ta a ni.

Lava Bold N2 5G India-ah tlangzarh

Lava Bold N2 5G smartphone chu nimin khan India-ah an tlangzarh a, Rs 12,999 man niin, special launch offer neiin, a man hi Rs 1,000-in an titlawm a, mahse, he launch offer hian engtik thleng nge a huam dawn tih erawh an puang lo. He smartphone hi June ni 9 chhund dar 12 atangin an hralh chhuak dawn a, Amazon India atangin a chah theih ang. Lava hi Indian brand niin, Lava Bold N2 5G tan hian doorstep after-sales service an pe dawn niin an tarlang.



built storage a nei bawh. 6.75-inch HD+ display neiin, 120Hz refresh rate a nei bawh.

He smartphone hian a hnungah AI-based camera pahnih-13-megapixel primary sensor neiin, a hmalamah 5-megapixel selfie camera a nei bawh. Connectivity-ah chuan 5G, 4G, Wi-Fi, Bluetooth, GPS, USB Type-C port,

3.5mm audio jack a support a, a pangah fingerprint sensor a nei bawh.

6,000mAh battery neiin, 18W fast charging a support a, a battery wawi khat charge full hian YouTube playback darkar 13 chuanga daih niin an chhal a, 10W charger a nei bawh. He smartphone hian IP64 dust & water resistance rating a nei bawh.

Khaw lum laia ke sir khi/kak enkawl dan

Khaw lumah hian thlan a chhuak a, a ro leh a, vun a ro vek thin. Chuvangin a khi/kak a awm duh thin a ni. Hetiang a khawlum laia ke sir khi/kak enkawl dan tur kan rawn tarlang e: **Ke silfai-** Zan mut dawn apiangin tui lumin, sah-bawn nen sil la, fai takin hru ro nghal rawh. Bal leh thlan hian vun a ti ro, a ti khi duh

Moisturizer hnawih- Ke i hruk ro zawh veleh Vaseline, Boroline, Crack cream, Coconut oil hnawih rawh. Vun ro tur a veng, vun a ti nem a, ke sir khi tur a veng thei. **Mawza fai bun-** Cotton mawza thawl bun la, nitiin thlak rawh. Thlan a hip a, vun a inhnawih lo **Pheikhwak lum lutuk bun loh -** Khaw lumah

chuan sneaker lum bun reng chuan ke a thlan, a ro, a khi thin. **Ke lawng a kal tam loh -** Lei sa leh balin ke a ti ro chak a, kesir a khi duh **Tui in tam rawh-** Taksa chhung lam a ro chuan vun pawl lam a ro ve zel. Ni khatah tui litre 3-4 tal in rawh. Khaw lumah pheikhwak a pawimawh leh zual. **Zan mut hmasa "Special**

care": Ke sir khi nasa tana tha chu- Ke sil fai la, hru ro phawt la, Vaseline/Boroline tam tawh hnawih la, ke sir khi lai bikah chuan tam deuhin. Cotton mawza bun la, mutpui tur. Zingah i ke a nem hman ang. Kar khat chhung ti chhin la, a zia awm viaw ang. **Tih loh tur -** Ke sir khi chu nawh loh tur. A khi kak zau zel a, infection a awm thei. A vun khi hik suh - A thuk lutuk chuan thisen a

chhuak ang Pheikhwak tawt lutuk bun suh - Ke sir a nawr a, a khi duh Chhunah ke roin awm tir reng suh - A ro hnuah chuan cream hnawih pawhin a lut tha tawh lo. **Ei leh in lam-** Vitamin E, Omega-3 - Badam, bekang lam chi, sangha, artui ei tam la. Vun a ti nem. Fanghma, dawn-fawh- Tui pai tam, taksa a ti hnawng.

Phuah Pawlh

King & Queen of Everest

Khawvela tlang sang ber Mount Everest chhip-a tum khan an chuan chhuah ringawt pawh

thil harsa tak, nunna thap a tlanglawmni te an fehchhuah thinna a ni a, Kami Rita Sherpa leh Lhakpa

Sherpa te pawhin Everest chhip an thleng leh ta. Sea level atanga meter 8,848.8 (feet 29,032) a sang Ever-

est chhip hi an wawi khat lawn chhuahna a ni tawh lo, khawvel mipa leh hmeichhe zinga Everest lawn chhuak ngun ber an ni a, an record sawh nghehtin an lawn chhuak leh ta a ni.

Kami Rita Sherpa, kum 56, hian May ni 17, 2026, chawhma dar

10:12 khan a wawi 32 nan Everest hi a lawn chhuak leh ta a. Ani hian 1994 khan a wawi khat nan Everest hi a lawn chhuak a, chutihlai chuan kum 24 mi a ni a, chuta tang chuan kumtin deuhthaw Everest hi a lawn chhuak ta deuh a, kum khata tum khat aia tam lawn chhuah kum te pawh a nei.

Kami Rita hi Nepali, Everest lawn tur ten kaihruaitu atana an hman thin a ni a, a Nepali guide pui Pasang Dawa Sherpa pawhin kuminah Everest hi wawi hnih lawn chhuak tawhin, a vaiin wawi 31 a lawn chhuak tawh a, Kami record a rawn hnaih tawh hle a ni.

Lhakpa Sherpa pawh hi Everest lawn chhuah tum te kaihruaitu a ni a, Nepal a piang ni mah se USA-a seilian a ni a, ani pawhin May ni 17, 2026 zing dar 9:30 khan Everest hi lawn chhuak

ve leh in, a wawi 11 lawn chhuahna a ni a, hmeichhe zinga Everest lawn chhuak ngun ber a ni. Lhakpa hian 2000 khan a wawi khat nan Everest a lawn chhuak a, wawiruk a lawn chhuah hnuah tlanglawn a chawhlan a, kum 10 vel hnuah rawn kir leh in 2016 atang khan lawn leh tanin, hemi hnuah hian wawi nga a lawn chhuah leh tawh a ni.

Lhakpa chuan Everest a lawn chhuah apiang chu thil thar zel ni a sawiin, "Ka lawn chhuah apiangin tlanglawmni dang zel ka kaihruai thina, chuvangin ngaia nei thei a ni lo. Vur te pawh a tui ral nasa tawh a, a bikin a tlang chhim lamah a nasa leh zual. He tlang hi a danglam reng a ni. Mahse, ka rilru erawh a ngai reng. He tlang hi ka ngaina a ni," a ti.

Kami Rita chuan a record siam chu khawvel hriata Nepal leh Sherpa-te

phochhuaktu a nih avangin a ngaihlu leh zual niin a sawi a, chutih rualin Everest lawn chhuak chu tih than a awm thei lo ni a sawiin, "Ka lawn apiangin huphurhawm tak leh chonra thar hmachhawn ang zel ka ni a, a kal khat te a inthlak a, a boruak bakah team nihphung te a lo danglam thin. Ka lawn ngun tawh avangin harsa lo angin a lang a ni thei a, mahse, thil hautak takzet a ni," a ti.

Kami Rita chuan Everest a lawnhhuah tum hi an pung ta hle niin a sawi a, "Tun hna deuh atang hian lawn chhuah tum hi an pung chak hle a, 1994/95 te kha chuan kum khatah mi 70 vel bawr te an lawn thin kha a ni a. Tunah chuan kum khatah mi 400 chuang te an kai ta," a ti.

Tun thuma Kami Rita te lawn chhuah hnu lawk, May ni 20-ah pawh khan Everest lawn

chhuah tumin mi 274-in Nepal side atangin an lawn nghe nghe a ni. Mahse, hei pawh hi ni khat thil thua Everest a lawn an tam ber tum a la ni ta chuang lo, May ni 23, 2019 khan Nepal leh Tibet lam atangin mi 354 ni khatah an lawn a, hei hi ni khat thil thua Everest a lawn an tam ber tum a la ni.

Mount Everest chhip a lawn chhuah hmasa ber te chu New Zealand tlanglawmni Edmund Hillary leh a Nepali guide Tenzing Norgay te an ni a, May ni 29, 1953 khan an lawn chhuak. Hmeichhe zinga Everest lawn chhuak hmasa ber chu Junki Tabei (Japan) niin, May ni 16 1975-ah a lawn chhuak ve thung. Mahni chauh a Everest lawn chhuak hmasa ber chu Reinhold Messner (Italy) niin, August ni 20, 1980 khan a lawn chhuak a ni.

